

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Služba Općinskog načelnika i
Općinskog vijeća

Broj: 02-04-2-376/21

Datum, 11.03.2021. godine

Z A P I S N I K

sa 3. redovne sjednice Općinskog vijeća Maglaj
održane dana 11.03.2021. godine u 9:00 sati u kinosali
JU Dom kulture «Edhem Mulabdić» Maglaj

Predsjedavajuća Svjetlana Zamboni-Radovanović, na osnovu člana 59. Poslovnika o radu Općinskog vijeća Maglaj, zaključaka Kolegija od 05.03.2021.godine, te Programa rada Općinskog vijeća otvaram 3. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDP, SDA, A-SDA, SBB, DF, HDZ i NBL. Poziv za sjednicu i materijali dostavljeni su OSCE-ovom terenskom uredu u Travniku i sredstvima informisanja koji prate rad današnje sjednice. Pozvan je načelnik općine, rukovodioci općinskih Službi, općinska pravobraniteljica, kao i predstavnici čiji materijali će biti razmatrani na današnjoj sjednici.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Zamolila bih predstavnicu Službe Načelnika općine i Općinskog vijeća da prozivkom utvrdimo broj vijećnika na 3.redovnoj sjednici Općinskog vijeća Maglaj.

Današnjoj sjednici Općinskog vijeća prisustvuje **23 vijećnika**.

Odsutni vijećnici Pero Mamić (HDZ) i Mirsad Bežić (SDA).

Konstatujem da Općinsko vijeće može punovažno raditi i odlučivati i donositi odluke, zaključke i rješenja čime je ispoštovan član 88. Poslovnika o radu Općinskog vijeća Maglaj.

Na današnjoj sjednici potrebno je izvršiti verifikaciju zapisnika 2. redovne sjednice Općinskog vijeća. Da li ima primjedbi na zapisnik?

Ko je za verifikaciju zapisnika?

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Jednoglasno verificiran zapisnik.

Predsjedavajuća Svjetlana Zamboni-Radovanović, otvaram raspravu po pitanju dostavljenog dnevnog reda, ima li prijedloga za proširenje?

Zaključujem raspravu i stavljam na glasanje

DNEVNI RED

1. Prijedlog Budžeta/Proračuna Općine Maglaj za 2021.godinu;
2. Prijedlog Odluke o izvršavanju Budžeta/Proračuna Općine Maglaj za 2021.godinu;
3. Odluka o usvajanju godišnjeg obračuna Budžeta/Proračuna Općine Maglaj za 2020.godinu;
4. Izvještaj o realizaciji Plana kapitalnih investicija Općine Maglaj za 2020. – 2022.godinu;
5. Plan kapitalnih investicija Općine Maglaj za 2021 – 2023.godine;
6. Prijedlog Odluke o izmjenama i dopunama Poslovnika o radu Općinskog vijeća Maglaj;
7. Plan i program održavanja sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2021.godinu;
8. Plan i program održavanja javne higijene i zimskog održavanja gradskih javnih površina sa finansijskim pokazateljima za 2021.godinu;
9. Plan i program održavanja javnog zelenila na gradskom području sa finansijskim pokazateljima za 2021.godinu;
10. Odluka o usvajanju Nacrta djelimične izmjene Regulacionog plana „Centar Maglaj-sjeverni dio“, po zahtjevu Ministarstvo unutrašnjih poslova Zenica, Uprava policije PUIHPS Maglaj;
11. Odluka o usvajanju Nacrta djelimične izmjene Regulacionog plana „Omerdino polje“, po zahtjevu Mulalić(Ragib) Naser, Zukić (Ragib) Majda i Ustalić (Hazim) Salim;
12. Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“, po zahtjevu Mrvoljak (Zaim) Nisveta;
13. Prijedlog Odluke o pristupanju djelimičnoj izmjeni Regulacionog plana „Misurići“ po zahtjevu Čolaković Nedim;
14. Prijedlog Odluke o pristupanju djelimičnoj izmjeni Regulacionog plana „KOSOVA“, po zahtjevu Mačković Alen;
15. Prijedlog Odluke o usvajanju djelimične izmjene Regulacionog plana „Centar Maglaj – sjeverni dio“, po zahtjevu Džinić Ferid i Džinić Sead;
16. Prijedlog Odluke o načinu i uslovima javne prodaje nekretnina-neizgrađenog gradskog građevinskog zemljišta u vlasništvu Općine Maglaj;
17. Prijedlog Odluke o davanju saglasnosti JP Elektroprivreda BiH d.d. Sarajevo podružnica Elektrodistribucija Zenica za izvođenje radova na postavljanju podzemnog optičkog kabla preko dijela nekretnina koje su upisane kao javno dobro;
18. Prijedlog Odluke o izmjeni Odluke o izmjeni naziva ulice;
19. Odluka o stavljanju van snage Rješenja o razrješenju zamjenskog člana Općinske izborne komisije Maglaj;
20. Rješenje o imenovanju Komisije za izbor na upražnjene pozicije u reguliranim organima Općine Maglaj;
21. Plan i program rada JP „Komunalno javno društvo“ doo Maglaj za 2021.godinu;
22. Plan i program rada JP „Veterinarska stanica“ doo Maglaj za 2021.godinu;
23. Informacija o upravnom rješavanju i provedenim upravnim postupcima JOU;

Vijećnička pitanja i inicijative.

Ko je za?

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Dnevni red usvojen jednoglasno.

1. Prijedlog Budžeta/Proračuna Općine Maglaj za 2021.godinu;

Dženana Hadžiedhemović -uvodničar, na samom početku sve vas selamim i pozdravljam i želim sretan rad. Prijedlog Budžeta Općine Maglaj za 2021.godinu u dijelu prihoda iznosi 7.764.745,00 KM, u odnosu na Nacrt veći je za iznos 266.524,00 KM odnosno 3,5 %. Struktura prihoda u Prijedlogu Budžeta Općine Maglaj je ostala kao i do sada. S tim da imamo porezne prihode, neporezne prihode, tekuće i kapitalne transfere, donacije i primitke od prodaje stalnih sredstava. Što se tiče planiranja visine prihoda u Budžetu Općine Maglaj za 2021.godinu, oni su rađeni osim na bazi historijskog ostvarenja tih prihoda po osnovu zakonske regulative koja važi za područje Federacije i BiH, Zakona na području Federacije i BiH, potom projekcija Federalnog ministarstva finansija proslijeđenih putem Kantonalnog ministarstva finansija koje Općina Maglaj sa posebnim akcentom na indirektno poreze, odnosno prihod po osnovu PDV-a. BiH je jako nestabilno tržište, tako da je jako teško uraditi procjene ostvarenja nekih prihoda što pokazuje i projekcije Federalnog ministarstva finansija koje su u maju bile po osnovu prihoda po PDV-u za Općinu Maglaj veće za nekih 200 hiljada otprilike, ali su revidirane u oktobru. Zbog toga što je jedan od glavnih uslova bio taj da bi Općina Maglaj mogla ispoštovati za dobijanje pozitivnog mišljenja od Kantonalnog ministarstva finansija za Nacrt i Prijedlog Budžeta Općine Maglaj. Kada govorimo o rashodima, rashodi u Budžetu su planirani u skladu sa ranije planiranim prihodima. U dijelu rashoda imamo novu stavku, to je sufinansiranje djelatnosti vrtića „Vesela duga“ i važno je istaći da je Općina Maglaj u 2021. planirala višak rashoda koji se odnosi na kapitalne izdatke, odnosno na rekonstrukciju mosta u Liješnici. Ja ne bih dalje ulazila u visinu grupe pojedinih grupa prihoda i rashoda, jer ste imali to u materijalima. Za sve drugo stojimo kao Služba na raspolaganju.

Otvaram raspravu.

Vijećnik Eldin Pehrat, selamim i pozdravljam sve prisutne. Što se tiče prve tačke dnevnog reda, Klub vijećnika SDA je iznosio prijedloge i sugestije na Nacrt Budžeta za 2021.godinu na prethodnoj sjednici Općinskog vijeća, čak smo i pismenim putem dostavili naše prijedloge. Međutim u ponuđenim materijalima vidimo da ništa od naših prijedloga nije uobzireno, pa neke ćemo od njih taksativno nabrojati. Dakle predlažemo da se povećaju planirana sredstva za tekuće održavanje i rekonstrukciju lokalnih i nekategorisanih puteva i gradskih ulica, zimsko i ljetno, analitički dio 613 724, tražimo da se sredstva na ovoj stavci vrate na 490 hiljada KM kako je to bi plan prethodne godine.

Predsjedavajuća Svjetlana Zamboni-Radovanović, gospodine Pehrat, da li ste možda u stavovima Kluba razmišljali odakle biste uzeli ta sredstva da povećate taj iznos?

Vijećnik Eldin Pehrat, jesmo dostavili smo. Na strani broj 12, analitički dio 613 729 za kategoriju sanacija klizišta predviđeno je samo 20 hiljada, pa postavljamo pitanje da li su to klizišta sanirana na području općine Maglaj, te smatramo da se i na ovu kategoriju treba utrošiti veći iznos sredstava. Također, na strani broj 12, analitički dio 613 913 za usluge javnog informisanja, odnosa s javnošću, reportaže i reemitovanja sjednica Općinskog vijeća, održavanje postojeće web stranice i druge medijske usluge predviđeno je 62 hiljade KM. Naš prijedlog je bio da se sve ove usluge raščlane, te da imamo uvid u to koliko se na koju od ovih usluga troši i dakle predlažemo da ako već ostaje ovaj navedeni iznos da se sjednica Općinskog vijeća prenosi direktno na RTV Maglaj.

Vijećnik Mirza Mešić, prvo da pozdravim sve prisutne, pa ću se samo kratko osvrnuti. Gospođa Dženana Hadžiedhemović-Grahić je iznijela i svi smo svjesni situacije. U odnosu na Nacrt, Budžet je povećan, kako je rekla za oko 200 hiljada, ako sam dobro čuo. Situacija je takva kakva je. Mi smatramo da je Budžet realan. Nadovezat ću se malo na gospodina Pehrata. Vi niste, čini mi se ponovno čuli predsjedavajuću kao što je i prošli put pomenula. Vi ste nabrojali stavke sve, ali još nijednom niste napomenuli sa koje stavke biste skinuli i stavili na ta određena sredstva. Samo ste ponovili, ja imam ovdje zapisano ima i u zapisniku, šta tražite, a niste stavili sa koje stavke skidate i prebacujete. Što se tiče nas Kluba vijećnika SDP-a, mi se slažemo sa Prijedlogom Budžeta, stojimo iza njega i dat ćemo podršku.

Vijećnik Adis Abdurahmanović, selamim i pozdravljam sve prisutne. Ja ću se također nadovezati na svog kolegu Perhata. Kolega Mešić je kazao da nismo dostavili i sa koje stavke bi skinuli. Mi smo na prethodnoj sjednici predlagali i tražili ste pisanim putem, dostavili smo i pisanim putem šta i s koje tačke da se skine. Međutim, pošto nije uvaženo, ne znam i mislim da nema svrhe, jer se naše ovdje ne uvažuje. Ja ću se nastaviti, nadovezati se na kolegu. Na stranici 13, analitički dio 613 952 za usluge izrade projektno-tehničke dokumentacije, znači projekti, elaborati i slično i usluge nadzora predviđeno je samo 64 hiljade KM. Insistiramo da se sredstva za ovu namjenu planiraju u iznosu kako je to bilo rebalansom Budžeta 2020.godine, neposredno prije izborne kampanje. Da li je ova cifra od 64 hiljade KM znači da nam projekti ne trebaju, nemamo ideja il šta

već? Također, na strani broj 13, analitički dio 613 974, podkategorija 1 i 2, naknada članovima komisija po rješenju načelnika i naknada članovima komisija po rješenju Općinskog vijeća. Toliki broj komisija, a samo 15 hiljada KM. Komisije ionako slabo rade, a sa ovakvim sredstvima planiranim u Budžetu, planira se da komisije faktički i ne moraju raditi. S obzirom na to da naknada komisija formiranih po rješenju Općinskog načelnika planirane u iznosu od 22 hiljade KM, za rad komisija po rješenju Općinskog vijeća sve ispod 40 hiljada KM je ništa. Naravno, ukoliko želimo da komisije rade svoj posao, da se sastaju i rješavaju pitanja iz njihove nadležnosti. Na strani 14, analitički dio 613 991, stavka ostale nespomenute usluge, planirana u iznosu 15 hiljada KM. U poređenju sa prethodnim planovima, sredstva za ovu stavku uvećana su za 357 %. Postavljamo pitanje, šta sve ulazi u kategoriju ostale nespomenute usluge i zbog čega je ovaj broj drastično uvećan? Na strani broj 19, analitički dio 104, JU Dječiji vrtić, planirano je 186 hiljada KM. Predlažemo da se istoj umanju iznos iz Budžeta za 50% i na taj bi način, ponavljam, pojedini privatni vrtići postali konkurentni. I napokon rukovodstvo bi počelo menadžerski razmišljati i djelovati. Ukoliko se Dječijem vrtiću uplaćuju bruto plate sa doprinosima, obroci, regresi, naknade Upravnom odboru, gdje idu uplate za boravak djece u vrtiću? Znamo da je ovo vrtić koji broji najviše djece. Dalje, zanima nas šta je bio kriterij raspodjele za privatne predškolske ustanove? Toliko.

Predsjedavajuća Svjetlana Zamboni-Radovanović, evo ja vas molim još jednom i javnosti radi. Sa kojih stavki skidate sredstva i prebacujete na stavke koje ste predložili na Nacrt?

Vijećnik Hajrudin Ferić, ja pozdravljam sve prisutne i želim uspješan, plodonosan rad. Imam obavezu da progovorim nekoliko rečenica kada je u pitanju Prijedlog ovog Budžeta. Prije svega i zbog obaveze koju sam dobio unutar političkog subjekta. Naime, želim da kažem sigurno ovim Prijedlogom Budžeta mnogi nisu zadovoljni. Svi su željeli na onoj rashodovnoj strani više i sam predlagač ja mislim da nije zadovoljan i da je mogao, sasvim bi drugačije uradio. Ono dakle što imamo, imamo i trebamo zaista da u ovoj 2021. godini sve to racionalno i efikasno na prihodovnoj i rashodovnoj strani i realizujemo. Postavit ću samo jedno, dva pitanja, molio bih predlagača da na kraju odgovori. Zatim ću jedan konkretan prijedlog dati. Analizirajući Prijedlog Budžeta i u Nacrtu primjetili smo da su planirani ovi naši izvorni prihodi manji, nego što je to inače bilo u prethodnom periodu kad su normalni uslovi funkcionisanja lokalne zajednice. Mislim na iznos od rente koja je bila 250 hiljada KM, sad je planiramo na 150, što je za 100 hiljada manje. Također, naknada za uređenje građevinskog zemljišta bila je 200 hiljada, sada je 120 hiljada. Ima sada dilema naravno. Jel to se razmišlja da će biti manje građenja, stanova za prodaju ili .. Mi koliko znamo, stalno nam je na sjednici izmjena Regulacionih planova, grade se stanovi, prodaju se, to su dakle 40,50 stanova, pa eto molio bih da se to pojasni. Evo zakup recimo naknada za zakup javnih površina od kafea, restorana sa 15 hiljada sad su planirana sredstva od 0 KM. Da li to možda Služba planira da nam ponovo predloži jednu subvenciju, plaćanje od naknada u 2021., jer pandemija još traje? Nama u DF-u je prilično žao, a svjesni smo ove situacije, žao nam je što su umanjena, odnosno nisu planirana sredstva za subvencioniranje fasada u užem gradskom jezgru i sufinansiranje zamjene azbesnih krovova, ranije je bilo 40 hiljada KM, sada nema nijedne KM. Pogotovo što ima najava i obaveza čak i Službe za urbanizam prema određenim zakonskim i podzakonskim aktima Federacije da se u zamjenu fasada već ove godine uđe ozbiljno u taj projekat preko Fonda za zaštitu okoliša. Ne znam koliko tu imaju informaciju. Doneseni su već normativni akti po tom pitanju. Također, ono jedan konkretan prijedlog je da je puno pažnje izazvalo javnosti ovo planirano umanjeno sredstava za subvencioniranje rada Javne kuhinje u Maglaju sa 40 na 20 hiljada KM. Zaista evo imamo te informacije da je pritisak na tu Javnu kuhinju kad su u pitanju korisnici, sve veći i veći. Naravno da će i pandemija učiniti svoje. Tako da ja predlažem da se sa pozicije tekući transferi neprofitnim organizacijama, analitički dio 112 vjerske zajednice sa planiranih 30 hiljada KM, izdvoji 10 hiljada KM i prebaci na ovaj analitički kod koji važi za sufinansiranje Javne kuhinje i mislim da je to jasno. Naime i vjerske zajednice trebalo bi da dijele s nama, odnosno sa građanima općine Maglaj, sudbinu pandemije, nekako mi je i nelogično za kulturu imamo duplo manje sredstava nego za vjerske zajednice. Ne samo za kulturu, umanjili smo mi sredstva i za boračka udruženja. Mislim da bi se time napravilo dobar kompromis koji bi zadovoljio i potrebe i ineterese kuhinje i Budžeta. To je otprilike to što sam imao.

Vijećnik Edin Salatović, ja vas također sve selamim i pozdravljam. Nadovezat ću se na kolegu Adisa i iznijeti stav Kluba vijećnika SDA. Smatramo da su sredstva za Narodnu biblioteku nedovoljna i nedostatna s obzirom na to da slobodno možemo reći da je Biblioteka jedna od najznačajnijih nosioca kulture i kulturnih događanja na našoj općini. Tako čak i za vrijeme pandemije. Predlažemo da se u Budžetu poveća iznos koji je namijenjen za Narodnu biblioteku zbog izuzetnog zalaganja direktorice i da u vrijeme pandemije pronalazi način da promoviše našu općinu. Takav rad i zalaganje naša općina treba podržati. Također, tražimo da se povećaju sredstva za sportske klubove, tj omladinski sport sa 180 hiljada KM, na 240 hiljada KM kako je se to planiralo u

2020.godini. I mi također tražimo da se na strani 21. finansiranje Javne kuhinje. Ovo je jako osjetljiva kategorija i na ovoj poziciji trebaju ostati sredstva u najmanju ruku koja su bila u toku 2020.godine, tj. 40 hiljada KM. Nažalost, broj korisnika je sve veći i zbog toga ne smijemo smanjiti sredstva sa ove pozicije. Imamo podatak da je ukupan broj korisnika kuhinje 157 zaključno sa 31.12.2020.godine. Isto tako za subjekte pogođene pandemijom nisu opredjeljena nikakva sredstva.

Predsjedavajuća Svjetlana Zamboni-Radovanović, hvala lijepo. I opet napominjem, ako možete diskutovati na način na koji je to učinio gospodin Ferić sa konkretnim prijedlozima, sa kojih stavki skidate ta sredstva.

Vijećnik Jasmin Begić, sve vas selamim i pozdravljam. Evo ovo što predsjedavajuća potencira s koje stavke da prebacimo na drugu. Mi kao odgovorna stranka smo to na prošloj sjednici predložili i dostavili u pisanoj formi. To ste trebali staviti uz materijal za Vijeće. Oslonit ću se na diskusije i konkretno naš prijedlog sufinansiranje kamata poslovnim i privrednim subjektima u Maglaju. Vidjeli ste da je Budžet umanjen. Zašto je umanjen? Nema prihoda od preduzeća. Nema od privatnih firmi, nema uplata poreza, zato što je pandemija COVID-19. Ramatrajući ovaj Budžet primjetio sam da je umanjen za nešto više od milion i 200,300 hiljada KM. Naš prijedlog za 200 hiljada KM, sufinansiranje kamata. Nema onog privrednog subjekta koji ne bi digao kredit od 10, 15 hiljada KM da izmiri obaveze prema Općini. U ovom trenutku sigurno dosta privrednih subjekata ima dužno po porezu na dobit, komunalnim taksama itd. Da smo predvidjeli Budžetom ovih 200 hiljada KM subvencioniranje kamata, mnogi privrednici bi digli to i uplatili te obaveze, pa bi sigurno prihod u Budžetu bio veći nego sada. Privrednici su ovim Budžetom zanemareni. Ako ste vidjeli na analitički dio 614 525 podrška subjektima pogođenim pandemijom je 0. Ja mislim da smo mi jedina općina u BiH koja je za privredne subjekte pogođene pandemijom predvidjela 0 KM. Pokazalo se da je Budžet konkretno rađen samo na tom fonu, koliko dođe da toliko potrošimo. Nismo se zabavili pandemijom i nismo svjesni koliko nas ove godine čeka zatvaranje firmi. Daj Bože da naplatimo ovaj Budžet što ste predvidjeli. Iz ovog se jasno vidi da naši prijedlozi nisu uvršteni u Budžet, tako da ćemo mi sigurno biti protiv ovog Budžeta. Ako bude još šta, pa ćemo izaći. Privrednici u Maglaju vezano za pandemiju COVID-19 nemaju marke predviđene.

Vijećnik Mustafa Bešić, evo i ja vas sve selamim i pozdravljam. Imamo pred nama Budžet za 2021.godinu. Ono što me čini sretnim što je došao nama na Vijeće. Budžet imamo ovakav kakav jest, on je umanjen i svi znamo zbog čega. Daj Bože da iznesemo i ovo što nam je ponuđeno. Što me čini sretnim, što neke stavke nisu umanjene i što će se nastaviti sa ulaganjem po mjesnim zajednicama na čitavoj općini Maglaj. Imamo kapitalni transferi po mjesnim zajednicama ili sufinansiranje od 543 hiljade KM. Bit će ako Bog da i ove godine ulaganje, ne ko što neki kažu samo za izbore. Imali smo jučer formiranje Komisije za poljoprivredu gdje sam član, gdje imamo stavku od 195 hiljada KM, ta stavka nije dirana. Ja sam svojim kolegama rekao, mi smo prethodnih godina podigli jedan nivo sa isplatom poljoprivrednicima i poticaj, podigli smo dosta toga. Moramo podržati Budžet, jer imamo kvartal gdje zbog Budžeta nije isplaćen poticaj. To nam je Služba rekla. Imamo transfere za sport, ako ne podržimo Budžet, sve će stati. Ja ovim putem dajem punu podršku Budžetu.

Vijećnik Elvir Vehabović, sve vas pozdravljam. Ovdje izlazim malo po službenoj dužnosti, malo ko vijećnik. Na sjednici Upravnog odbora JU Dom zdravlja Maglaj, održane krajem februara sam predložio Upravnom odboru JU Dom zdravlja Maglaj da krene u nabavku jednog defibrilatora. Međutim, oni su od mene tražili da se sa ovim pitanjem obratim osnivaču, to jest Općini Maglaj, odnosno Općinskom vijeću, te ću na ovaj Budžet predložiti jedan amandman u skladu sa zaduženjem koje sam dobio od Upravnog odbora. Amandman na Budžet Općine Maglaj ispred JU Dom zdravlja Maglaj. Predlažemo da se za JU Dom zdravlja Maglaj u Budžet Općine Maglaj uvrsti stavka nabavka defibrilatora za Službu hitne medicinske pomoći u iznosu od cca 20 hiljada KM, koliko su realni troškovi za nabavku jedne stanice za defibrilaciju koji bi morao imati svaki Dom zdravlja. Otprilike sam se raspitao nekih 16 hiljada plus PDV. Sad zavisi od tenderske procedure, možda bi jeftinije, možda skuplje, ali to je to otprilike. Nedostajuća sredstva da uvrste u Nacrt Budžeta, a umanjani na poziciji funkcija 011, analitički dio 121 finansiranje parlamentarnih grupa, političkih stranaka sa planiranih 62 hiljade na 42 hiljade KM. To je prijedlog, da li će se negdje drugo naći sredstva, meni kao direktoru javne ustanove apsolutno nebitno. Obzirom da smo svjedoci svakodnevnih intervencija hitne medicinske pomoći od kojih većina od njih otkriva kardiovaskularna oboljenja, srčani udar ili infarkt, blagovremenim djelovanjem mogu da se spase mnogi ljudski životi uz korištenje novih dostignuća u zdravstvu. Svi ljekari hitne medicinske pomoći koji dežuraju u Službi hitne medicinske pomoći su nedavno završili taj kurs u sarajevskoj hitnoj pomoći i na taj način obnovili, stekli znanje iz pružanja prve, odnosno neophodne pomoći. „Mi nemamo, da kažem, da objasnim, imamo defibrilatore, ali to su automatski koji nisu tog nivoa. Mogu raditi funkciju, ali ovo je profesionalni koji se koriste i za još neke stvari. Ovi nemaju mogućnost da prate ritam srca, EKG trake, samo

isporučuju struju. Imamo problem, moramo skinuti defibrilator, pa priključiti, ovo je profesionalni iz filmova sa elektrodama. U skladu s tim prilažem amandman na Budžet.

Dopredsjedavajuća Aida Bašić, sve vas selamim i pozdravljam. Vezano za tačku dnevnog reda broj 1. Želim da kažem da je stranka A-SDA podnijela inicijativu za izmjenu Budžeta Općine Maglaj za 2021.godinu u dijelu sufinansiranje rada javne kuhinje. Kolege su iz drugih političkih opcija govorile. Smatramo da je umanjenje sredstava za 50 % u situaciji kada bi trebalo biti obrnuto. Kolega Ferić je to lijepo rekao. Broj korisnika kuhinje će se sigurno povećavati, tako da smatramo da bi ovaj iznos od 20 hiljada KM trebao biti vraćen na iznos od 40 hiljada. Samo želimo da nam se pojasni, pretpostavljam da ima logično objašnjenje i obrazloženje.

Vijećnik Eldis Kusunur, sve vas selamim i pozdravljam. Ja ću samo jedno pitanje Službi. Podrška subjektima pogođenim pandemijom COVID-19, zašto u 2021.godini ništa nije planirano, koji su razlozi, kad znamo da pandemija dalje ide, sve je kritičnije i kritičnije? Zašto nije planirano ništa privrednicima koji ću sigurno pogođeni?

Predsjedavajuća Svjetlana Zamboni-Radovanović, ja bih također uputila jedan zahtjev Službi, a to je da ukoliko je SDA dostavila prijedloge sa koje stavke se prebacuju sredstva na neku drugu, da nam ih izložite ovdje tako da znamo o kakvim se prijedlozima radi? Jer radi se o znatnim sredstvima u izmjeni ovog Prijedloga Budžeta.

Vijećnik Senad Šehić, sve vas lijepo pozdravljam. Dakle, kako je iznio naš šef Kluba trebamo biti realni situacije u kojoj se nalazimo i s toga ovakav Budžet je zaista realan. Prihod od poreza na dobit je 100% prihod Kantona i Federacije, kada se radi o javnim preduzećima, dakle Općine nemaju nikakve prihode po tom pitanju. Nije s goreg recimo ni ponoviti da FBIH zadužila se za 300 miliona eura kod komercijalnih banaka, jer nisu ispunili naravno uslove MMF-a, što nam dovoljno govori u kakvoj se situaciji svi nalazimo zajedno. Evo recimo u 2019.godini Kanton je po osnovu poreza na dobit ostvario oko 40 miliona KM, a Općine od toga nemaju ništa, a to su preduzeća i sa područja općine Maglaj. Dakle općinama nula. Samo bih još jednom ovaj zahtjev da se za sport uveća. Ja bih pohvalio, recimo da su za sport povećana sredstva u odnosu na Nacrt za 20 hiljada, sa 160 na 180 hiljada KM. Nerealno je dakle da mi u ovoj situaciji imamo ponovo izdvajanja za sport u iznosu od 240 hiljada. Ja ću samo jednu činjenicu iznijeti, da je i u ovakvim pandemijskim vremenima izdvajanja za sport ubjedljivo uvećana ikada, nego ikada ranije, prije ovog aktuelnog načelnika. Dakle nije s goreg ponoviti, 2012.godine se izvršavalo 140 hiljada KM, 2015.godine 98 hiljada, a recimo otkako je ovaj načelnik na vlasti 2018.godine za sport izvršeno 203 hiljade KM, 2019. godine 233 hiljade KM. Zato smatram da je pohvalno da smo izdvojili koliko toliko za sport.

Predsjedavajuća Svjetlana Zamboni-Radovanović, zaključujem raspravu, molim načelnika i predstavnika Službe da daju odgovore na postavljena pitanja.

Načelnik općine Mirsad Mahmutagić, evo i ja koristim priliku da vas sve srdačno poselamim i pozdravim. Mnogo toga ste ovdje iznijeli, hvala na sugestijama koje su na neki način dobronamjerne. One koje su populizam i to razumijem, to je zadatak opozicije, neka radi tako. O samom iznosu Budžeta nema potrebe da puno govorim. Jasno nam je kakva je situacija, jasno nam je dokle nas je dovela ova pandemija. Jasno nam je da sa nepunih 9 miliona KM planiranih za 2020.godinu se danas nalazimo na iznosu koji imamo i daj Bože da ga realizujemo. Bojim se da nećemo realizovati ni taj iznos. Planirati rashode u jednoj takvoj situaciji je vrlo, vrlo napregnuto. Iz tog razloga se ne smiju ni prihodi napuhavati i nema potrebe da se to radi. Ja bih bio prezadovoljan da na kraju 2021.godine realizujemo ovaj Budžet koji je predviđen. Ja ću proći kroz neke stavke, pojasniti nešto ako bude trebalo, evo gospođa Hadžiedhemović-Grahić će to pojasniti stručnije. Vijećnik Pahrat se obratio sa nekoliko stavki, pa evo da pojasnim. Sredstva koja ste navodili za ceste, to su namjenska sredstva koja se dobijaju, da budem narodski jasan, sredstva ovisna od količine saobraćaja, prometa, komunikacija. U 2020.godini je to opalo u odnosu na ranije godine, svi znamo zbog čega. Svi znamo zbog čega. Mi na toj stavci možemo staviti 150 hiljada, ali nećemo dobiti. Pitanje je hoćemo li dobiti i ova sredstva koja su planirana. Nema potrebe da se zavaravamo u startu s nečim što neće biti ostvareno. Namjenska sredstva namijenjena samo za tu svrhu. Kada su u pitanju klizišta, mi imamo tamo predviđenih 20 hiljada KM i to je predviđeno ako uspijemo sa viših nivoa i nekog od međunarodnih donatora dobiti određenu donaciju i sufinansirati. Ali isto tako morate znati da imate i sredstva za zaštitu i spašavanje koja se mogu realizovati u ovu namjenu, sredstva iz 05 i ona se nalaze na drugoj poziciji i na raspolaganju su za aktivnosti tokom godine. Što se tiče raščlanjivanja medija, nema se tu šta raščlanjivati. Nije to došlo sa mnom i prošli načelnik je raščlanjivao više nego je to zakonska potreba. Budžet se po zakonu, možemo predložiti puno šturije, nego što imate. Ako vas zanimaju medijske usluge, pratite tendere, ugovore, imate pravo na sve informacije i onda ćete vidjeti koliko je šta u toku godine realizovano sa te stavke i

s kim. Gospodin vijećnik Abdurahmanović, nemamo ideja za projekte. Nije, nego nemate znanja za Budžet. Dakle, da ste malo analizirali bilo bi vam jasno da je u Budžetu ranije bilo i namjenskih sredstava za projekte. Imali smo 80 hiljada za projekte namjenskih sredstava, a ovo su sad u Budžetu samo naša sredstva. Vama vijećnicima za informaciju, imamo niz projekata sa projektnom dokumentacijom, potrebnim dozvolama, pripremljenih i dalje tražimo način finansiranja. Komisije da ne komentarišem, to je nešto što se prati izvršenje, možda bi bila dobra priča da Komisije rade džaba, ali eto. Niko se nije sjetio. Ostale nespomenute usluge, to je praksa pokazala. Nema tu nikakvih tajni. To je praksa pokazala da svake godine ta pozicija koja je planirana sa malim iznosom sredstava izvrši preraspodjela sredstava sa neke druge da se to pokrije. Tako da je to praktično iskustvo navelo da to i uradimo. O Dječijem vrtiću, to je čisti populizam, to neću da komentarišem. Nije Dječiji vrtić jučer nastao. Dječiji vrtić je tu puno godina i zna se kako radi, kad dođe izvještaj o radu javne ustanove, onda se uključite i razgovarajte. Pitanje za privatne ustanove kriteriji, privatne vrtiće kako je izvršena preraspodjela. Imali smo dilemu ili svima isto ili po broju djece. Odlučeno je po broju djece, dakle ovaj novi, najmlađi ima najviše djece. Kad to podijelite, dobijete taj odnos i zbog toga je tako i predviđeno. Vijećnik Ferić je ovdje postavio nekoliko dilema u vezi izvornih prihoda, zašto su manji. Manji su iz razloga što je manje ostvarenja u 2020. godini, iako mi očekujemo određenu izgradnju, vama za informaciju, ne samo vijećniku Feriću, nego svima nama, da se dio ovih sredstava investitoru može omogućiti da plaća na rate do upotrebne dozvole. Na taj način izlazimo investitoru u susret, da ne moraju odmah sav novac na tu obavezu dati. Dakle, onaj ko bude počeo raditi sredinom godine, može tražiti na 12 mjeseci, na 16 mjeseci, nebitno na koliko planira završiti taj objekat, sredstva se rasporede. Trenutno nemamo ništa započeto u tom dijelu, nemamo nekih prenesenih protokola koje smo imali ranijih godina. Mi smo imali ranije protokole od nekih starijih dugovanja, pretraživanja Općine prema starijim investitorima, koja nisu bila realizovana, tako da je taj iznos 2019. bio nešto veći, 2020. je nešto slabiji. Sada smo napravili nekakvu procjenu. Nama niko ne brani, ukoliko bude tog novca da mi na prihodovnoj strani tu stavku realizujemo sa većim iznosom. Kada je zakup zemljišta, evo ja mislim da Dženana može poslije pojasniti, ali ova stavka ako se ne varam se nalazila u dvije stavke, tako da se između Službe za urbanizam i Službe za finansije to konačno raščistilo. Obzirom da je ranije u Budžetu bila, ne može tek tako se izbrisati, treba da protekne, čini mi se tri godine sa iznosom od 0 KM, pa se onda može eliminisati iz Budžeta. Kultura i udruženja, jeste manje, razlog tome je pandemija, manje je druženja, nema Studentskog ljeta, nema mnogo toga, zbog toga su sredstva manja. Ja se iskreno nadam, volio sam i prošle godine kada smo razgovarali o Studentskom ljetu, da nas to neće čekati i ove godine, ali očigledno nas ista situacija čeka kao i prošle. Kada je u pitanju Biblioteka, dobra saradnja sa direktoricom, direktorica će to realizovati i sa ovim predviđenim sredstvima. Kada smo razgovarali o Budžetu, razgovarali smo i o ovakvom iznosu, tako da je to po meni uredu. Omladinski sport, evo rekao je vijećnik Šehić, nemam potrebe to da ponavljam, slažem se u potpunosti. Eh onda je bilo priče o privrednicima. Ja vam moram reći da sam ja puno više s privrednicima, nego oni koji imaju pola zaposlenog ili jednog, to je jedna strana priče, druga strana priče. Evo opet ću pohvaliti vijećnika Šehića. Kada neko hoće da se pripremi za sjednicu Vijeća, onda može provjeriti sve podatke i gdje se plaćaju prihodi. To nisu prihodi Općine Maglaj nego viših nivoa. Evo kako ste čulo, 40 miliona KM mi dobijamo skoro ništa nazad, a veliki dio novca je ubran i na području općine Maglaj i sve ostalo što plaćaju privrednici, osim komunalne takse i naknade su prihodi viših nivoa. Zašto smo imali prošle godine iz razloga što smo očekivali da će neka od Vlada dati određene projekte po javnom pozivu, što bi išlo preko Općine i mi bi sufinansirali, to se nije desilo. Oni koji su zahvaćeni znaju kako su prošli sa tim Vladama. Ovdje sam zabilježio izjavu, misliti i znati nije isto. Čovjek često misli razne gluposti, ali da bi analizirao Budžet i uključio se kvalitetno onda mora znati, a ne samo misliti. Vijećnik Vehabović, defibrilator, iznos od 20 hiljada KM mislim da to u ovom postojećem Budžetu ne treba da tumbamo bilo šta, nego da kroz stavke podrške projekata ili eventualno kroz Budžetsku rezervu, možemo realizovati i taj projekat. Po ovom što je ovdje iznešeno, ja sam aposlutno za takvu stvar, a pogotovo čini mi se da sam razumio vijećnika Vehabovića u funkciji direktora, da je Dom zdravlja sam htio ići u nabavku, a da je to sugerisao Upravni odbor. prema tome možemo to zajedno završiti bez nekih poteškoća. Objasnio sam, dakle ovo podrška. Ništa otprilike su to te stvari koje sam htio iznijeti. Meni je žao što smo mi sa 9 miliona, sišli na nešto više od 7,5 miliona. Situacija je takva. Daj Bože da se ovo završi s pandemije, pitanje je u kojem će ovo smjeru otići i nemojte da se iznenadimo da za dva mjeseca radimo rebalans i da sve ovo spuštamo dolje. Ja ne znam ako dođemo u tu situaciju, kako će se izvući. I evo za kraj ostavio sam, jer je više vijećnika potezalo pitanje sufinansiranje Merhameta. Opet se niko nije pripremio. Merhamet je regionalna organizacija i nije niko uzeo da provjeri koliko druge Općine sufinansiraju regionalnu organizaciju tamo gdje pripada Merhamet, jedna stvar. Druga stvar 2020. godine, realizacija negdje oko 25

hiljada KM od strane Općine i treća najvažnija stvar ja sam predvidio manja sredstva, to je moja inicijativa da uđe u Budžet. To vam ovdje neću obrazlagati iz jednog jednostavnog razloga. Regionalni odbor Merhameta ne pripada Općini Maglaj, to nije naša ni javna ustanova ni javno preduzeće, ali neću da elaboriram ovdje kako se radi. Ali na osnovu onih podataka o načinu, transparentnosti, mislim da tu fali prilično transparentnosti i zbog toga je ovakva situacija kakva jest.

Dženana Hadžiedhemović, evo ovako, Načelnik je već istakao što se tiče prihoda od zakupa, on se nalazi na dvije pozicije. Služba za finansije i Služba za urbanizam su to usaglasile. Mi imamo na strani 3. ekonomski kod 721 129 planirano 10 hiljada po osnovu ostalih prihoda od imovine, koji se odnosi na zakupninu za bašte i tende. A ovamo je iz tog razloga na poziciji 0, taj prihod je planiran, samo što je do sada bio planiran na dvije pozicije. Na bazi historijskog utroška izdavanja Rješenja iz Službe za urbanizam, sredstva oni koji plaćaju zakupninu po ovim osnovama uplaćaju na ovu vrstu prihoda, zbog toga se sada nalazi u Budžetu, a na drugoj poziciji je 0 jer nemamo uplate po tom osnovu. Ja bih još, predsjedavajuća je dala zadatak sa kojih pozicija je dostavila SDA. Ono što je pristiglo u Službu amandmani na Nacrt Budžeti, jeste činjenica da mi nemamo, u ovom što je bar pristiglo u Službu, podaci sa kojima ja raspolazem, nemamo adekvatno sa kojih pozicija da se umanje, a da se povećaju određene pozicije. Ja se sada ne bih vraćala na pozicije, jer je načelnik objasnio zašto je to tako. Da li se radi o namjenskim sredstvima, da li se radi o vlastitim. Smatram da je to ponavljanje. Uglavnom mi nemamo konkretno sa čime smanjiti, a čime povećati.

Predsjedavajuća Svjetlana Zamboni-Radovanović, nakon ovog rekli smo tehnička pauza, na prijedlog rukovodstva Vijeća.

TEHNIČKA PAUZA.

Vijećnik Eldis Kusur-replika, mislim da ovih 157 korisnika nisu ni iz Tešnja, ni Žepča, nego su iz Maglaja. Ovdje se ne radi o pomoći regionalnom Merhametu, jest u nas je regionalni odbor Merhameta. Ovdje se striktno radi o sufinansiranju javne kuhinje. 157 korisnika je, kako ide pandemija moglo bi se povećati. Pored 157 korisnika koji su tamo, koji dolaze svaki dan po svoj obrok, njih još sigurno 30-40 ima koje Merhamet redovno obilazi i pruža im pomoć tako što dolaze na adresu. Ja tražim, pozivam sve vijećnike Općinskog vijeća da se učlane u Merhamet i da plate godišnju članarinu 12 KM i tim putem možemo pomoći radu javne kuhinje.

Vijećnik Jasmin Begić-replika, ja nisam zato član nijedne Komisije, ako se želimo solidarisati sa svima nama koji smo u takvoj situaciji shodno pandemiji, ja predlažem da se načelnikova plata umanje za nekih 20-30 % da se usmjeri tim ljudima koji bi radili u tim komisijama. Pa čak bih predložio i proširenje komisija. Nemamo adekvatnu koja bi radila samo za Budžet. Mi nismo svi educirani da komentarišemo, nego da ta Komisija fino predloži gdje i u kojem smjeru bi bilo raščlanjeno. Jer mi vidimo da je potrebno informacija. Ne kažem da je potrebno Budžet raščlaniti, nego su potrebne informacije gdje ta sredstva idu i ne da se mi informišemo i pratimo u toku godine je to otišlo. Po izlaganju načelnika, privreda Maglaju ne treba. Sve dolazi odozgo ljudi. Hajmo mi zatvoriti i hajmo kući.

Predsjedavajuća Svjetlana Zamboni-Radovanović, na šta Vi replicirate?

Vijećnik Jasmin Begić, samo da Vam napomenem. Sva sredstva koja se uplate gore od PDV-a, povrat tih sredstava dolazi shodno uplaćenim PDV-ovima na lokalnim nivoima, tako da što više privrednih subjekata uplaćuje PDV, više će biti i Budžet u Maglaju. To što se tiče da načelnik jako dobro zna o privredi, da se druži s privrednicima. Mi jako dobro znamo kako se naš načelnik druži s privrednicima, to nam niko ne mora kazati. I samo još da napomenem, 1 ili 1,5 uposlenih, to ne postoji, postoji samo 1 ili 2 i tako. Sad ću vam navesti samo jedan primjer, 1 ili 2 uposlena za rad od 20 godina uplati ovoj državi Budžet sigurno veći od trećine tog bogatstva. To je sigurno nekih možda do 1 milion KM za 20 godina. Ja bih volio da svi otvorite firme i da vidite kako je platiti jedan doprinos i platu i da na leđima imate njegovu ženu i djecu. Lahko je na Budžetu biti i 8 sati. Svi mi jako dobro znamo kakva je situacija u Maglaju. Ako smo predložili 200 hiljada, to nije 200 hiljada da ćete dati odjednom. Jedan mjesec ćete dati možda 10 hiljada, drugi ćete mjesec dati 7 hiljada, to je subvencioniranje kamata. Taj iznos od tog mjeseca bi odmah bio uplaćen Općini na osnovu potraživanja privrednika.

Predsjedavajuća Svjetlana Zamboni-Radovanović, ja još uvijek nisam dobila objašnjenje kako i odakle skinuti i naći tih 200 hiljada?

Vijećnik Jasmin Begić, mislim da je potrebno da bude neka Komisija. Ja ću laički reći. Svi znamo da kulture nema u pandemiji. Za Dom kulture se izdvaja 140 i neku hiljadu. Znamo da nema kulture. Šta će 140 hiljada?

Predsjedavajuća Svjetlana Zamboni-Radovanović, još da znate zašto se izdvaja dobro bi bilo.

Vijećnik Jasmin Begić, moj prijedlog bi bio da se popolovi iznos predviđen za Dom kulture, da se 70 hiljada preusmjeri na privredu.

Načelnik općine Mirsad Mahmutagić-replika, imam repliku inače volim ove replike. Neću o Merhametu, ono što ja sve znam, samo ostaje ovako kako jest. Taman kada bi vi svih 25 vijećnika rekli ne može ostati tako, ja vam kažem da može. Danas je 11.mart, ne bude li Budžet danas usvojen, do 31.marta, donijet ću ga ja. Nećete me izazvati zašto je sišlo na ovo. Neću, ostajem tu. Imam toliko dostojanstva. Vijećnik Begić ne poznaje izgleda situaciju prijavljivanja radnika na pola radnog vremena. Čudi me. Čudi me da veliki privrednik ne zna kako se plaća PDV ni kako se vraća. Lako je na Budžetu. Bio sam i ja u privredi i vjerujte da je lakše u privredi nego na ovom Budžetu. Nije ovo lako raditi, nisam ja u privredi nikada imao stresa, a u ovakvoj situaciji.. Ovdje smo svi bili u političkoj kampanji od sredine oktobra do sredine novembra. Išli ste i vi da svog načelnika stavite na Budžet, pa niste uspjeli. Narod rekao 63 % ovaj i ovaj ostao i završena priča. Ali nemojte nametati meni logiku privrednika. Svaki privrednik koji ima i jednog zaposlenog, svaka čast. Ja nisam rekao protiv tih privrednika ništa, ali kažem Vama Begiću i Vama sličnim, koji ste lupetali unazad tri godine, Kotorića i velikih privrednika koji su od države uzeli sve što su mogli. Nemojte se porediti sa ljudima koji su imali 100, 200, 300, 500 uposlenih i koji imaju svoje stavove. Dakle cijenim i one koji imaju 1 zaposlenog i 500, ali ne možete naturati to da ste Vi ideolog tih ljudi koji imaju mnoge zaposlene. Pogotovo na iskustvu lupetanja koje ste imali sve ove godine. Hvala.

PAUZA KOLEGIJ.

Stavljam na glasanje Prijedlog Budžeta/Proračuna Općine Maglaj za 2021.godinu, ko je za?

Z A K L J U Č A K

1.1. Usvaja se Budžet/Proračun Općine Maglaj za 2021.godinu.

GLASALO ZA: Elvir Arnautović, Mirza Bradarić, Fikret Deliće, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO UZDRŽANO: Hajrudin Ferić (DF).

2. Prijedlog Odluke o izvršavanju Budžeta/Proračuna Općine Maglaj za 2021.godinu;

Vijećnik Hajrudin Ferić, prije svega ja se moram zaista izviniti za prethodnu tačku i zamolio bih rukovodstvo Općinskog vijeća da na neki način neko iz tehničke Službe kako bi oni koji žele došli na vrijeme na nastavak sjednice. Što se tiče ove Odluke o izvršenju Budžeta, ja ću opet iznijeti samo nekoliko svojih sugestija i jedan prijedlog. Naime već u ovoj prethodnoj raspravi o Budžetu za 2021.godinu moglo se nazrijeti zapravo i iz diskusija vijećnika i iz odgovora načelnika da imamo puno nepoznanica kada je u pitanju izvršenje Budžeta, imamo nekakvu obavezu mi kao vijećnici, samim tim građani, da dodatno traže određena saznanja kako bi mogli verifikovano i da glasaju. Potaknula me ova rasprava o MDD Merhamet, da postoje različiti viđenja njihovog statusa, finansiranje. A činjenica je da sam ja u prethodnom sazivu Općinskog vijeća, a i sada ću to tražiti, tražio da Vijeće dobija izvještaj o utrošku finansijskih sredstava za sve one koje Općinsko vijeće, Budžet izdvaja određena sredstva, po osnovu transfera, subvencija itd. Zašto ovo govorim? Naime, zahtjevi za transparentnošću javnošću rada Općinskog vijeća, utrošku sredstava, uvijek su prisutni i naravno da sve institucije, pa i ovo Općinsko vijeće i Općinska administracija idu za tim da poboljšavaju, unapređuju transparentnost rada. Međutim, trebamo se podsjetiti na nešto što je UNDP radio prije dvije godine, vidim tu je gospodin Bešlić, tu je i načelnik koji je upoznat, radio jednu analizu utroška sredstava kroz projekat ReLoad gdje je Općina Maglaj bila član USAID-ovog projekta o transparentnosti utroška sredstava i oni su nakon te analize tvrdili da postoji niz

aktivnosti koje bi ova Općina odnosno Općinsko vijeće trebala da donese, kako bi se unaprijedila ta transparentnost u izvršavanju prije svega organizacija civilnog društva. Već sam ranije pomenuo i analizu udruženja građana zašto ne, koji je ocijenio transparentnost Općine Maglaj sa jednom ocjenom koja baš nije ni za pohvalu. Ovaj ReLoaD UNDP, analiza dodjele sredstava za civilno društvo iz Budžeta Općine Maglaj preporuke: „Otpočeti praksu određivanja prioriteta za tematske oblasti izvan sfere kulturnih manifestacija na osnovu usvojenih planova za strategiju i na način da se u procesu Nacrta Budžeta obavlja javna debata. Uspostavljanje obaveza izvještavanja o aktivnostima i rezultata projekata Općinskom vijeću na sistematizovan način, a ne samo o utrošku sredstava. U ovim izvještajima treba biti jasno prezentirani podaci pa navedeni. Gore prezentirane podatke objavljivati na web stranici Općine i to na način da bude lako dostupno za posjetioce stranice.“ Mislim da ste upoznati sa ovim, zato predlažem da se u ovom Prijedlogu Odluke o izvršenju Budžeta u članu 5. koji govori o transparentnosti Budžeta doda jedan stav, stav 6. koji bi glasilo: „Prilikom izvršenja Budžeta sredstva za transfere i subvencije će se realizovati u skladu sa Smjernicama o minimalnim standardima dodjele budžetskih sredstava, putem transfera i subvencija u FBiH, Ministarstva finansija BiH objavljenim u Službenim novinama 15/18, a inače gdje je regulisano kako, pod kojim uslovima se raspolaže ovim sredstvima kada uz Javni poziv, kada bez Javnog poziva, koji Organ, koje komisije treba da budu formirane, koje trebaju da budu uključene, način kontrole sredstava, izvještavanja, način principa javnosti i tako dalje. Napominjem samo da su ove smjernice utemeljene i u Zakonu. Hvala.

Načelnik općine Mirsad Mahmutagić-replika, jedna kratka replika. Zašto ne i zašto da?! Ko šta organizuje i ko šta analizira. Dakle, tačno je ovo što je Ferić iznijeo da smo negdje u sredini plasirani po njihovom kriteriju gdje su gledali samo web stranicu. Nikad se nisu obratili ni tražili ijednu informaciju kako, šta funkcioniše, nego gledali web stranicu i to u periodu kada smo mi lijepo prilagođavali web stranicu u skladu sa zahtjevima za dobijanje BFC-a, gdje nam je možda to bio jedan od najtežih zadataka, uključujući sve aktivnosti koje smo imali prema dobijanju sertifikata BFC. Što se tiče ovog prijedloga, to je ok, ne bježimo ni od kakve transparentnosti, što više detalja na web stranici. Vjerovatno ćemo i nju dopuniti. To jeste neko ko se bavio po nekim svojim kriterijima, nikakvim posebnim. Uvijek se može napraviti da bude nešto i dobro i loše, ali kažem da ne bude pogrešno shvaćeno od strane vijećnika ili javnosti. Niko ispred Općine nije ušao u proces taj, da analizira ili šta, niti su kad javili i pozdravili, nego pogledali, pa po mojim kriterijima šta se sviđa, šta ne.

Vijećnik Eldis Kusur, shodno ovoj Odluci, Klub vijećnika SDA smatra da su ovom Odlukom date preširoke ovlasti Općinskom načelniku u izvršavanju Budžeta. Znamo da načelnik može donijeti Budžet sa 31.03. tako je definisan Zakon o principima lokalne samouprave. Ali oko te transparentnosti, složio bi se sa kolegom Ferićem, u potpunosti, mi smo i govorili oko rasprave za Budžet, da se boračka i civilna udruženja treba raščlaniti, upravo zbog razloga zato što neka udruženja dobiju više sredstava, neka manje. Po kojim kriterijima? Imaju li neki kriteriji o raspodjeli sredstava ili je to po slobodnom nahođenju? Da li postoji Komisija unutar Općine Maglaj? Znamo da postoji druge nevladine organizacije, Centri civilnih inicijativa koje prate rad općinskih struktura, da li postoji druga Komisija unutar Općine? To pitam, ne znam, koja kontroliše transparentnost potrošnje tih sredstava i da li postoje kriteriji u raspodjeli novčanih sredstava prema boračkim udruženjima ili civilnim udruženjima? Znamo da Općina Maglaj raspiše svake godine javni poziv u kojem se civilna udruženja mogu javiti na određene projekte i ukoliko zadovolje kriterije da budu odobreni, znači sufinansira se u tom dijelu. Znači, Klub vijećnika smatra da su date preširoke ovlasti Općinskom načelniku ovom Odlukom i kad neko izađe, sve se iznosi u ime Kluba, ne iznosi se ni u ime nijednog vijećnika, tako molim Općinskog načelnika da bude malo suzdržan kad je u pitanju prozivanje vijećnika, jer sve što se iznosi, iznosi se u ime Kluba.

Načelnik općine Mirsad Mahmutagić, ova posljednja primjedba. Dakle, da li neko govori u svoje ime ili u ime Kluba, vijećnici mogu govoriti i u svoje ime i u ime Kluba. Ako vijećnik izađe i ne kaže da govori u ime Kluba, ja smatram da govori u svoje ime. Čuo sam i tokom prve tačke da je bilo i onih koji kažu da govore u ime Kluba, tako da. Možda griješim, ali ja tako smatram. Što se tiče ovog drugog, dakle postoje kriteriji, postoje komisije, postoje javni pozivi. Evo maloprije gospodin Ferić pomenuo i ReLoad projekat, dakle po tim smjernicama, po javnom pozivu, po kriterijima i transparentnost, prate i Službe nadležne za te stvari, a konačno izvršavanje u finansijskom pogledu Služba za finansije. Da li su date ovlasti veće načelniku, nisu ništa veće nego što su prije bile. Valjda je normalno da načelnik ima ovlasti i da je zadužen za izvršavanje Budžeta. I ovdje nije problem Odluka o izvršavanju Budžeta, vama je ovdje problem ko je ovdje načelnik. Dakle, ja sam vama problem, nije Odluka. Ali šta vam ja mogu. Patite se četiri godine još.

Predsjedavajuća Svjetlana Zamboni-Radovanović, pošto nema više prijavljenih vijećnika, ovdje smo imali jedan prijedlog koji se tiče transparentnosti u izvršavanju Budžeta od strane gospodina Fermića. Ako je potrebno, mogu Vas zamoliti da se to pročita.

Vijećnik Hajrudin Fermić, da se doda stav 6. koji bi glasio: „Prilikom izvršenja Budžeta sredstva za transfere i subvencije će se realizovati u skladu sa Smjernicama o minimalnim standardima dodjele budžetskih sredstava, putem transfera i subvencija u FBiH, Ministarstva finansija BiH.“ Krajnji cilj bi zapravo bio da i mi ovdje dobijamo izvještaje, ne o izvršenju Budžeta, ne kako načelnik, kako su to oni kojima su data sredstva, nego da li su opravdana sredstva i kako.

Stavljam na glasanje prijedlog gospodina Fermića,

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO UZDRŽANO: Elvir Vehabović (NBL).

Stavljam na glasanje

Z A K L J U Č A K

2.1. Usvaja se Odluka o izvršavanju Budžeta/Proračuna Općine Maglaj za 2021.godinu.

2.2. Da se u članu 5. Odluke o izvršavanju Budžeta/Proračuna Općine Maglaj za 2021.godinu doda stav 6. koji bi glasio „Prilikom izvršenja Budžeta sredstva za transfere i subvencije će se realizovati u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji BiH, Ministarstva finansija FBiH“ („Službene novine Federacije BiH“, broj:15/18).

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

3. Odluka o usvajanju godišnjeg obračuna Budžeta/Proračuna Općine Maglaj za 2020.godinu;

Otvaram raspravu.

Zatvaram raspravu, dajem na glasanje

Z A K L J U Č A K

3.1. Usvaja se Odluka o usvajanju godišnjeg obračuna Budžeta/Proračuna Općine Maglaj za 2020.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

4. Izvještaj o realizaciji Plana kapitalnih investicija Općine Maglaj za 2020. – 2022. godinu;

Nermin Bešlagić-uvodničar, pozdravljam sve prisutne. Shodno Odluci Općinskog vijeća, Zaključkom, usvojen je Plan kapitalnih investicija za 2020. – 2022. godinu. Format Plana kapitalnih investicija, poznato vam je da se radi o formatu 1+2 godine, tako da je to otprilike bio Plan za 2020. godinu. S te strane realizacija, kako ste vidjeli u materijalima koje ste dobili je realizovana na takav način kako je realizovana, pri čemu je realizovan kapitalni projekat vrijednosti 2.113.899,00 KM, pri čemu je iz Budžeta Općine Maglaj realizovano 625.208,00 KM, iz ostalih izvora 1.389.791,00 KM i sredstva građana i mjesnih zajednica 98.900. Projekti saobraćajne infrastrukture, projekti vodovod i kanalizacije, projekti javnih rasvjeta, projekti izgradnje objekata društvenog značaja i projekti izrade projektne dokumentacije. Otprilike to su te kategorije koje obrađuje Plan kapitalnih investicija i s te strane realizovano sa ukupno 106 projekata, što je zaista imponozantno i vrijedno. Ako uzmete da je samo po jedan dan svaki od projekata rađen, zaista je to jedan dobar rezultat. Posebno šta treba istaknuti, da je to realizovano u vrijeme pandemije COVID-19, u otežanim uslovima, sa ograničenim sredstvima i sa puno nekih ograničenja u samoj realizaciji. S te strane otprilike, pojedinačne projekte imate u Izvještaju o realizaciji koja je dostavljena, a što se tiče pitanja, ako ima nekih za pojašnjenje, tu sam.

Otvaram raspravu.

Vijećnik Maid Suljaković, selam i dobar dan svim prisutnima. Čitajući Izvještaj o realizaciji Plana kapitalnih investicija, i također ću se osvrnuti na Plan kapitalnih investicija za naredne dvije godine. Primjetio sam da u Izvještaju za naseljeno mjesto Tujnica urađeno samo dva projekta i to tik pred izbore, što možemo zasigurno nazvati kupovinom glasova. Ako uzmemo u obzir da je parola SDP-a bila „Maglaj za sve nas“ ovdje ja zaista ne vidim da je načelnik koji je rekao da on odobrava većinu ovih odluka da je Tujnica bila uvrštena u taj dio. Također, žalosti me i činjenica da i u narednom Planu za naseljeno mjesto Tujnica nema sredstava, odnosno nisu planirane kapitalne investicije. Kroz Vijeće MZ Liješnica mi smo slali prijedloge za kapitalne investicije i za naseljeno mjesto Tujnica, međutim ovdje nisu uvršteni. Tako da bih molio načelnika da odgovori zbog čega nema?

Vijećnik Safet Jašić, selamim sve prisutne. Pošto dolazim iz mjesne zajednice i direktno sam učestvovao u dostavljanju prijedloga kada su u pitanju ove kapitalne investicije za protekle dvije godine. Sve što smo dostavili kao mjesna zajednica, dostavili smo sa predračunima, precizno, tačno, međutim od toga se nekako odmaklo i nije rađeno uopćeno po prijedlozima mjesne zajednice. Znači, potrudili se, platili predračune, sve je to palo u vodu i rađeno nešto sasvim treće, pa evo ima obavezu da vam objasnim. Ovo što smo predložili, uglavnom sve je javno i od javnog interesa, ali ovo što je rađeno, objasniti ću kako je rađeno. Ako mi neko ne vjeruje, nek se formira, evo ja predlažem da formiramo Komisiju da obiđemo, da vidi se šta je urađeno, je li javno ili privatno. Znači otprilike ono što je javni interes građana Kopica bilo je da se ulaže koliko može u društveni dom. Put do društvenog doma, tribine na poligonu, osvjetljenje do doma, rasvjeta od autobuske stanice ka Hatkinim njivama. Ja sam pregledao šta je urađeno. Nešto smo mi u međuvremenu uradili, ali evo recimo asfaltiranje puta Mujanovići. Mislim da je zaista ispod svakog i svakog normalnog razmišljanja. Ovo je 100% privatni posjed, asfaltiranje privatnog posjeda. A što je najgore što je to ružno i nakaradno urađeno i ondje može doći, ne daj Bože da dođe, ono na način kako je urađeno da je 1,20-1,30 cm izašlo na lokalni put Novi Šeher-Kopice, gdje može doći do udesa i slično. Velika sramota. Ja nemam ovlasti, ali bih zvao inspektora pa da vidi zaista na koji način je urađeno. Ako ono nekome valja, slobodno neka u svojoj mjesnoj zajednici radi. A mislim da nikom ne bi valjalo. Nadam se da me razumijete o čemu govorim. Isporukom materijala Mehmedović, ja ne znam ko su ti ljudi 2480 KM, isporuka materijala Smajuković 4.184 KM, ja znam da je to 100% privatno i da nije toliko došlo. I da je došlo 8 hiljada to su privatni putevi. Asfaltiranje puta, mislim da je ovo opravdano, a mislim i da je to urađeno. Ovdje nemam primjedbe, to je put javni i neka se uradio, ali mislim da je urađen prije ovih predavanja kapitalnih investicija. Izgradnja javne rasvjete autobuska stanica-Hatkine njive, piše da je uloženo 530 KM, a bilo je u našem planu i programu. Ovaj projekat je načelniče završen, nije trebalo stavljati, ne znam u šta su potrošene. Mjesna zajednica je uložila nekih 4-5 hiljada KM, ostalo nam je na kraju dvije sijalice koje nismo spojili i to je to otprilike, taj projekat je završen. Bio je predat kao prioritet, nije urađen. Osvjetljenje sportskog poligona, planirano i to su sredstva od 6 hiljada KM. Poligon je osvjetljen na način kako je osvjetljen i da vam kažem lično način na koji radimo nije dobro, nije dobro ni za koga. Mjesna zajednica je posjedovala projekat osvjetljenja. Osvjetlio se poligon bez da pita neko imate li kakav projekat ili nešto. Nije uredu i način kako se radi. Ne smiju se kablovi od struje ukopati od 20 cm, gdje djeca dolaze. Projekat smo imali, nek radi ko hoće, ali daj projekat i ja bih dao. Nije dobro urađeno. Što se tiče izgradnje društvenog doma, vi znate u kojoj je fazi. Prva

faza je završena, ovdje se spominje ponovo prva faza. Uložena su sredstva od 111 hiljada od viših nivoa. Trebaju se iznaći sredstva, ja se nadam da će to ići ove godine. Bilo je i napisano negdje u ovom dijelu, da su to planirana sredstva neka, nisu uložena. Nadam se da će to ići u narednom periodu. Ali zamolio bih sve, dajte da radimo sistemski i po projektima, makar se manje uradilo. Sto puta sam bio na seminarima koa predsjednik mjesne zajednice, potrošite na projekat. Imamo projekata gotovih, dajte da po tome radimo. Neka se pola uradi, ali neka se radi kako treba.

Vijećnik Fikret Delić-replika, ja vas sve selamim i pozdravljam. Moro sam, imao sam obavezu da izađem da kolegi Jašiću repliciram na ono što je iznio. Što se tiče moje mjesne zajednice iz koje dolazim, onda treba pričati sve ispočetka. Ne treba iznositi sve istine, neistine i onda to sve bude miješani sok od više vrsta voća. Nisam sebi ništa zapisao, samo onako sebi na papiru malo što je on iznio. Mujanović put je urađen i prvo to nije privatni put, privatni put je kad je 1/1 i ovo što je gospodin Jašić iznio je laž. Put je urađen, tu živi četiri porodice, četiri brata i imaju tri snahe. Taj put je asfaltiran prije 10 godina i bio je dobar. Sad kad smo podnijeli inicijativu, zamolili Službu da se to uradi, uspon je to katastrofa jedna gdje se željezo vidi. Prošla inicijativa, načelnik odobrio i ja mu se u ime tih mještana, braće Mujanović i u svoje lično ime, zahvaljujem. Sad da li je taj malo asfalt malo izašao napolje, već je bio i prije. Što se tiče poligona. Dobili smo inicijativu od Udruženja „Mreža mladih“ više mladih, nisu gledali koja su politička partija. Uradili su njima 30 to osvjetljenje poligona sa savremenim reflektorima, najboljim. Možda najbolji koja jedna mjesna zajednica ima. Račune prikupili, sve ima, osvijetlili poligon i korona je da još nije upotrebljiv, al je upotrebljiv. Društveni dom urađen je nema šta, svaka čast. Ali ja moram i ovo reći, kad se radi neki projekat, ako se to radi sve kako treba, valjda se sazove zbor da vidimo šta ćemo, kako ćemo. Kako ćemo to uraditi? Kakav je projekat? Ja nemam pojma kako mjesna zajednica radi. Jedan samo zbor za četiri godine imali. Šta hoću još reći. Kad je u pitanju prijedlozi što je Safet nabrojao, ima naših inicijativa, ima i od mjesne zajednice. Logično da ću i ja prijedloge, inicijative iznositi i da prolaze i naše inicijative. Ja ću samo navesti jedna primjer. Prošle i pretprošle godine se iselilo, prošle 10, a pretprošle 8 porodica, sve imaju po dvoje-troje djece. Imam zapisano Mehmedovići, Delići sve Slovenija, Austrija, eno Mustafići. Svi odoše. Mi ćemo napraviti dom, ali kome i kakav? Trebali smo pitati kakav ćemo dom. Da imamo samo za okupljanje mladih, sastanke, a ne da pravimo zgradu koja se neće napraviti za 15-20 godina. Sve što dođe u Kopice, ja skidam kapu. Ali ovdje iznijeti da je to privatni put, to je 5/1.

Vijećnik Safet Jašić-replika, ja sam se trudio u protekle četiri godine i sad ne bi replicirao, nisam do sada dolazio u sukob, mi dolazimo iz istog mjesta i malo bi bilo ružno. Ono što je istina iz ove prethodne diskusije jeste naravno da se porodice sele. I mene to žalosti, strašno me žalosti. Ali nije razlog da diskutujemo na ovaj način i netačni su ovi navodi. Evo ja sam rekao, predlažem da se formira Komisija i da izađe i da se uvjeri u moje navode, da li su tačni ili netačni. Kakvu god Komisiju da formirate ili stranačka ili odavdje vidjet ćete da sam upravu. I ovaj put o njemu se trebalo malo pozabaviti, sam si rekao da ima problem. Nije 20 nego 1 metar , auto kad se parkira sigurno da odbije dva točka. Niste smjeli potvrditi ono što je nelegalno urađeno. Vi ste samo podebljali asfalt. Nisam za to i imam pravo da govorim o tome. Nema veze što je to urađeno, što je urađeno dan pred izbore, nema veze. Ja to ne bih nikada ni pomenuo. Ali ove stvari, ne smijete. Ja sam tražio dva ležeća policajca, ima tu porodica sa malom djecom. Ovo je istina i repliciram što se tiče ovog puta. Ovo je opasnost i molim vas da pošaljete Službu, ako ništa.

Vijećnik Mirza Mešić-replika, ja ću samo gospodinu Jašiću definiciju vezano za javne puteve. Put je svaki javni put, nekategorisani na kome se vrši saobraćaj. I to spada u javni put ako koristi jedna ili više porodica. Nije privatna svojina, pristup i tako dalje.

Vijećnik Safet Jašić-replika, ja nisam iz ove struke ko gospodin Mirza, ali smatram da je lokalni put u odnosu na kategorisani u prioritetu i ne smije onaj nekategorisani ugrožavati lokalni. Ovaj put o kojem govorimo trebao je biti regionalni i bit će ako Bog da. A onaj ne smije, onaj je privatni. Evo tebe pozivam ko stručnjaka iz saobraćaja, pa da pogledaš i vidiš je li uredu i ja ću biti s tobom.

Vijećnik Edin Osmić, i ja bih vas sve pozdravio. Prošli put kad sam izlazio i htio malo više da se kaže, da se uvažamo, da razgovaramo, ali kako vrijeme prolazi i ja dobijam neke druge informacije, drugo stanje i svoja druga razmišljanja, pa ću tako i nastaviti. Ovdje po ovom Izvještaju pošto spominje se Liješnica, dolazim odozgo, pa bih malo oko toga nešto kažem i ako bih mogao da dobijem odgovore. Ovdje Poslovna zona, oko Poslovne zone, ja sam i u mjesnoj zajednici, pa nemamo nikakvih razgovora, niti znamo šta, kako, dokle će ići, šta do Poslovne zone je trebalo doći. Ja kad sam razgovarao, pa treba doći u Poslovnu zonu, ovo, pa ono, mene interesuje da li je trebala doći voda. Jer logično bi bilo kad se nešto radi, da i to ima. Dalje, ovdje most, ulazak i što se radi most. Ovdje koliko vidim navedeno da se vodi i da je kao dogovorno mjesna zajednica, pa bih molio,

ja ne znam da li je mjesna zajednica imala šta. Jer tu se lijepe cifre stavljaju na mjesnu zajednicu, ali mi mještani nemamo od toga neke koristi. Ovdje sam primjetio, putevi što su se uradili, uradili su se, da se moglo više, moglo je, da je trebalo, tako je kako je. Glavni projekat regulacije korita rijeke Jablanica-Liješnica. Ja to prvi puta ovdje vidim na papiru, pa ja bi volio ako može mi neko objasniti. Neki iznosi su skinuti, ja nemam pojma, prvi puta to čujem. Pošto s mještanima kad pričam, mi gledamo ovo, ne možemo nam niko ništa reći. Pa bi volio da im mogu prenijeti.

Vijećnik Samir Fetić, prvo da vas poselamim i pozdravim. Ajmo sad malo ljepših stvari. Mi MZ Misurići smo jako zadovoljni dosadašnjim radom sa načelnikom i Općinom. Mi smo bili u zaostatku, nije se imalo skoro ništa. Nismo imali rasvjete, kanalizacije, vode, ali sada hvala Bogu sve više imamo kuće koje su priključene na kanalizaciju i na vodu. Naša su sada, seoski dio, što su zaseoci što nisu imali rasvjetu, sada ima imaju. Načelnik nas prati i mi mu se zahvaljujemo na dosadašnjem radu. Hvala.

Predsjedavajuća Svjetlana Zamboni-Radovanović, evo i u prošlom sazivu, a i sada ću iskoristiti priliku da kažem da nekad mi bude žao što se diskutuje, kada su u pitanju ovakve stvari svode na predstavnike mjesnih zajednica. Mislim da smo svi mi kao vijećnici dobili podršku građana iz svih mjesnih zajednica i da treba da govorimo u ime svih građana i mjesnih zajednica, a ne da rezervišemo diskusije samo na mjesne zajednice čije predstavnike imamo u Vijeću. Smatram da bi nam to građani mogli itekako debelo zamjeriti. Ono što hoću da kažem jeste da, evo već nekoliko godina unazad kada se tiče ovih Plana kapitalnih investicija mene raduje da su nazivi mjesnih zajednica raznoliki, da novac ide u sve mjesne zajednice, da se raspoređuje na način na koji je to moguće i onoliko koliko je to u našoj moći. Bez obzira na tešku godinu koja stoji iza nas i bez obzira na godinu koja stoji ispred nas, mislim da je pohvalno da je ovoliko sredstava utrošeno, upravo onako kako je Nermin rekao, da je onoliko projekata realizovano u prošloj godini, a nadam se da će i veliki dio projekata koje planirate za naredni period biti realizovan. Još jednom, molim vas da govorimo o svim građanima općine Maglaj, a ne samo o onima iz kojih dolazimo, bojim se da će nam to građani zaista zamjeriti.

Vijećnik Adis Abdurahmanović, zaista se slažem sa predsjedavajućom i malo je ružno ovdje da nam i ostali slušamo koliko je puta izašlo, koliko nije, da se prepucavaju ljudi iz iste mjesne zajednice. Ja ću se vratiti na suštinu, znači Izvještaj o realizaciji Plana kapitalnih investicija Općine Maglaj za 2020. – 2022.godinu. Malo ću se dotaći svoje mjesne zajednice, a onda ću uopšteno o cijelom Planu. U biti ovdje se radi o tome da na početku kažem da se pogrešno ne razumijemo. Svaki metar asfalta, svaka jedna ulična rasvjeta koja se uradi u bilo kojoj mjesnoj zajednici, podržavam. Međutim, ovdje se mnogo radili van Plana. Pa evo recimo imamo, kaže „asfaltiranje puta iznad doma“. Asfaltiranje puta Polje, uredu podržavam, rekao sam svaki metar asfalta, međutim nema toga u Planu. U Planu imamo kaže izgradnja puta u Gornjoj Kosovi, Kamenolom, 37 hiljada KM Plan, 10 hiljada iz Budžeta Općine, 27 hiljada s viših nivoa, 36.445 došlo s viših nivoa. Ali Plan ulaganje je tu nula iz Općine. Javna rasvjeta, Kosova-Poljci, Plan za 2020. 10 hiljada KM, 6 hiljada iz Budžeta, 4 hiljade građani. Iz Budžeta nula, a radile se neke stvari koje nisu bile u Planu. Pa evo pozivam vas da otvorite tablerani prikaz, stranica broj 2. sad se vraćam na kompletnu općinu Maglaj. Od 23 tačke, od tačke 23 do 52 podržavam sve ovo urađeno, ali Plan za 2020. , nema ništa u Planu, sve što ste uradili. Dajte da se držimo onog što mi donesemo ovdje ili mi ne trebamo ovdje. Dizat ćemo samo ruke za i protiv i to je to. Evo na kraju, zaključak Kluba vijećnika. Klub vijećnika osuđuje ovakav neplanski način ulaganja u mjesne zajednice, jer malo je toga što je urađeno za javno dobro. Uglavnom se radilo o asfaltiranju i postavljanje javne rasvjete privatno. Kad kažete privatni put, razumio sam Vas kolega Mešiću, ali ti putevi nisu šireg značaja za mjesnu zajednicu. Put prema Kamenolomu, prethodnu i prošlu vlast čekamo da se sastavi sa Trepčem, dobro znate sa Tešnjom koliko naših građana radi u toj općini. A rade se neki sokaci koji nisu u Planu. Ne što smo protiv ovog urađenog, nego što se nije radilo po Planu, nećemo ovo podržati.

Vijećnik Edin Osmić-replika, da ne bi otišlo što ste govorili da se spominje samo jedna mjesna zajednica. Ja sam dobio glas i iz drugih mjesnih zajednica i iz grada, tako da ne bi bilo. Nikad nisam razdvajao ništa, do sad nije bilo predstavnika s tog kraja, imam pravo da kažem. Nikad nisam razdvajao, niti imam razloga. Iz grada sam imao lijepih glasova, eto to je samo konstatacija.

Vijećnik Mirza Mešić-replika, nadovezujem se na ono sve ostalo. Za mene i ti ljudi u Kopicama i što vi kažete ovi u Kosovi, da nemaju, oni imaju pravo na pristup. Ja ne pravim razliku. Zakon je jasan šta je regionalni, magistralni i tako dalje. Ovo je jedna vrsta nekategorisanog puta koji postoji, dovodi do određenih kuća, ustanova i tak dalje. Da ljudi normalno mogu doći do svojih kuća. Kako u Kosovi, tako i u Kopicama. Svi su ljudi isti.

Vijećnik Adis Abdurahmanović-replika, znajući šta će se desiti, ja sam par puta naveo da podržavam. Pretpostavio sam šta će se desiti. Gospodine i kolega Mešiću, naravno da svaki sokak koji se uradi je dobrodošao s bilo koje strane, da li iz Općine ili s viših nivoa. Nemoj da sad odavdje ide priča ja protiv onog što se radi u Kosovi, naravno čestitam svakom ko je pridonio da se to uradi. Suština moje priče i izlaganja, da se držimo Plana. Ono što donesemo u tački 5. da se držimo toga. A ja pretpostavljam da ćemo se držati, nije izborna godina.

Vijećnik Samir Fetić-replika, Adise, ja sam našao projekte od 2014.godine, rasvjeta u Poljicu, znam i ko je čovjek koji je platio, nije se nikad završila. Urade samo jedan dio projekta, ostave jedan sokak, uličicu ne urađenu, a ima je u projektu. Ja nisam čekao načelnika nešto to da uradi se. Ja sam išao sam da radim s ljudima, zna to načelnik, pomogao jeste, ali sam išao sam. Zna šta još, problemi jesu u mjesnim zajednicama. Ti kad izađeš pred ljude, moraš biti konkretan, da te ljudi slušaju, ti pokažeš svoju snagu, narod će ići uz tebe. Moraju se praviti više u mjesnoj zajednici akcije, ko što su nekad bile, ne samo čekati na Općinu. Moramo mi sami da dižemo narod. Ne samo čekati na Općinu. To su pokazali sad i izbori. Hvala.

Vijećnik Edin Salatović, neću dugo, samo ću pitati za MZ Oručje, pošto vidim da ona ovdje jedina nije dobila nikakvih sredstava u 2020.godini. I samo kolegi Fetiću, jel se vraćamo na princip samodoprinosu kako je to nekad bilo? Jel na to pozivate? Mi nismo za to, iskreno.

Zaključujem raspravu.

Načelnik općine Mirsad Mahmutagić, evo nadam se da sam podvuko crtu, da ne krenem od prve tačke ponovo. Vidite, ovaj, izaći pa reći nakon ovakve realizacije Plana kapitalnih investicija u 2020.godini, onakva kakva je, da se neko ne drži Plana je više nego ne zlonamjerno, paušalno, netačno i očigledno nije pročitani Plan u kome se navodi tamo i šta se može realizovati i šta se može promijeniti. A pogotovo kritikovati zašto je nešto urađeno, a nije u Planu. Pa Bože moj, nije trebalo uraditi zato što nije bilo u Planu. Urađeno je više, vrlo jednostavan odgovor. Daj Bože da ponovi se 2020.godina, da ostvarimo onakve cijene na tenderu, ja bih bio presretan da 2021. bude ponovo po istim uslovima i zato je urađeno više nego što je planirano. Da li se nekome sviđa ovaj ili onaj sokak, to je lični izbor. Kome se ne ide u Tešanj, kaldrmu može izabrati, put asfalt, završena priča. To je najlakše. Ali bih se ja vratio na početak, vijećnik Suljaković je iznio jednu konstataciju da je SDP imao slogan i kako to radi SDP. Ja ne znam otkad ste Vi vijećnici Suljaković u politici, ali mi se čini da ste Vi nekako duže, ko da Vas je neko opstruirao. Bio jedan ovdje u Maglaju i stalno vikao SDA ti dao. Nije bolan, ne daje ni SDA ni SDP. To je Budžet od svih nas i realizuje se. Kakav SDP, kakav SDA prošlost. Realizuju Službe na čelu sa načelnikom u skladu dokumenata koji se donesu, a nema dokumenta koji se može 100% ispoštovati. Neko se pita zašto je s viših nivoa, a gdje je tu Budžet Općine? Pa planirano. Negdje dobijete s viših nivoa, dobili smo put prema Fojnici, prema Straištu, u Kosovi, nismo dobili za sve mjesne zajednice. Dalje, kad se planira, imate mjesne zajednice, odnosno predsjednike, povjerenike kako kad, koji ne misle u korist mjesne zajednice, nego u korist političke partije, pa onda navaljaju projekte za koje nisu dovoljna dva Budžeta, a ne sredstva planirana u Budžetu za tu namjenu za sve mjesne zajednice. To je il neko ne razumije il neko neće da razumije. Mjesne zajednice daju prijedloge, ali prijedloge daju i građani i vijećnici. Evo konkretan primjer. Zar mislite da ja trebam slušati samo Safeta Jašića, koji i nije više predsjednik mjesne zajednice, šta će se raditi u Kopicama, a ne slušati Fikreta Delića koji je isto tako vijećnik, a imate broj glasova u 20 razlike na toliko glasova u Kopicama. Slušat ću ja i vas dvojicu, a slušat ću i ostale mještane, a ući će ono što je realno. A kad sam uzeo za primjer Kopicice, imate u ovom Planu 150 hiljada KM projekat. Koja to mjesna zajednica ima 150 hiljada projekat? Nema. Sagledajte sve činjenice. Ružno i nakaradno. Čovjek bio predsjednik mjesne zajednice nema ovlasti. Prijavi inspekciji, ali slažem se. Nije da se Jašić i ja uvijek ne slažemo, bili smo dugo u ovim klupama. Slažem se, onaj gore dio koji je primjedba, to treba ispraviti u onom dijelu s puta, ružno je. Ono zaista treba ispraviti i čim se bude radilo na tom kraju, a sve ostalo se apsolutno ne slažemo. Ono što ne znate, pa dođite u Službu pa pitajte. Vi ste vijećnici. Na prvoj sjednici Vijeća sam vam i ja ponudio saradnju, a rekao imate i Službe, pa se informišite. Ali evo vratit ću se na Jašića zato što je neke stvari pretendiciozno iznio. Društveni dom. Pa ja vam nudio

za prvu svotu novca koja vam je obećana da udružimo sredstva, obzirom da Općina ne može kao Ministarstvo za socijalna i raseljena lica prebaciti na mjesnu zajednicu, pa da mjesna zajednica radi tendere. Ja vam nudio da udružimo, to je bilo 2019.godine, niste pristali. Objasnite mještanima što niste pristali na 40 hiljada KM. Sad tih sredstava nema. A onda izađete i kažete radi se privatno. Ne radi se, radio se dio odvodnje ili kanalizacije, gdje su se građani organizovali, gdje je Općina pomogla u materijalu, za koje su molili i Vas kao predsjednika mjesne zajednice, pa im niste pomogli, ali ste iskoristili priliku da nazovete Ramiza Smajukovića ili da ga nađete

privatno kako god da se pohvalite da ste im Vi naštimali da dobiju. Nije tačno. To je laž svojih mještana. Nemojte se time služiti. Gospodine Osmiću, odgovor za Poslovnu zonu, što ne znate, dođite u Službu informišite se. Treba li voda doći, naravno da treba doći u zadnji ćošak ove općine, ali dolazi koliko možemo i kako možemo. Kada je u pitanju voda i Poslovna zona, voda je došla do Natrona, to smo uradili prošle ili prethodne godine, a sad je na redu da se radi projektna dokumentacija za vodosnabdijevanje Liješnice. I zaista je Liješnica blizu, najbliže izvoru pitke vode, tvornici Natron-Hayat, tako da ćemo rješavati taj problem. Od kojeg mosta nemate koristi, ja stvarno ne znam, nisam mogao prepoznati. Ovo ostalo, ne bih ništa komentarisao.

Vijećnik Safet Jašić-replika, iznosim repliku na diskusiju gospodina načelnika. Ja s Ramizom o tome nikada nisam razgovarao. Netačno govorite, neistinu iznosite. Druga replika kad je u pitanju izgradnja društvenog doma. MZ Kopice je s prvim zahtjevom prema Kantonalnom ministarstvu dobila 30 hiljada KM. Drugi puta je dobila 10 hiljada KM. Da bi aplicirali za sredstva Federalnog ministarstva, udružio sam ta sredstva sa sredstvima koja sam dobio 80 hiljada sa Federalnim ministarstvom. Tak da je to bilo 110 hiljada. Ja nisam imao ni šansu ni mogućnost, a da nije tačno da ste planirali ta sredstva. Sad ću Vas demantovati skroz. Nakon završetka prve faze društvenog doma, ostalo je nepredviđenih 1200 KM električarskih radova, vratio sam Vam se u istoj godini 2020.godini, zamolio Vas, ostali smo dužni zbog toga i zbog toga 1200 KM. Imam pismeno korektan odgovor, dokazat ću Vam, pismeno ću Vam dokumentovati da niste planirali u 2020.godini nikakva sredstva za izgradnju društvenog doma u Kopicama i niste u mogućnosti da nam isplatite 1200 KM, za koje sam ja i danas dužan. Nema veze, platit će se nekako. Nemojte tako. Ja ovo ništa nisam radio zbog sebe i populistički ništa nije bilo. Ovaj objekat je kapitalan i veoma bitan za mjesnu zajednicu. Ne govorite ispravno. Kako sam ja to mogao s Vama udružiti sredstva. Što niste Vi udružili sa kantonalnim i federalnim sredstvima, ako se već moglo, danas bi imali pokriveno i zatvoreno to?! Nama ta vrsta objekat treba. Trenutno kad vidimo mjesne zajednice, imaju itekako lijepe kirije od tih zgrada. Ali ne radimo mi zbog toga, nama treba svakako onakva zgrada i žive od toga mjesne zajednice i ulažu, mi nemamo ništa. Prema tome, onakav objekat MZ Kopice zaslužuje i završit će se il na onaj il ovaj način.

Načelnik općine Mirsad Mahmutagić-replika, dakle ovako. Aj prvo ovo što se tiče Ramiza. Naravno, to je vrlo poštena i iskrena osoba u koju ja imam puno povjerenje. Naravno da ste se hvalili da ste Vi to sredili, a niste. Nema šanse. Kad izađete replicirati, nemojte pominjati da dom treba ili ne treba. Ja ni u jednom momentu nisam rekao da društveni dom ne treba. Možda u drugačijem obliku se moglo završiti. Ali kad govorite neke stvari uvežite datume. 40 hiljada planiranih za društveni dom u Kopicama 2019.godine i nije utrošeno. Niste se udružili sa Općinom da to odradite. Povezivanje Kantonalnog i Federalnog ministarstva u više od godinu i po dana razlike vremenski, ako se ne varam, ja Vam čestitam na dalekovidnosti kako to vidite u daljinu, perspektivu kako ćete to riješiti sa višim nivoima. Čuvat ću taj novac. A pri tome odbijete 40 hiljada općinskih. Na kraju 2020.godine javite se i kad je zafalilo dajte sad. Nema, kraj godine, nema ni marke. Nema, završena priča. A da ste znali da Vam treba, znali biste ranije. Zato je dobro potrebno planiranje. Niste saradivali sa Općinom, niste jedini. Imali smo mi takvog u Kosovi. Ali imali smo povjerenika iz SDA koji su vrlo korektno radili sa Općinom, sa načelnikom kao što je slučaj Moševca i Ediba Delića. Vrlo korektno. Zato je realizovao brojne projekte, zato će i realizovati brojne projekte. Vodite računa o racionalnosti mjesne zajednice. Doći će na red mjesne zajednice, pa ćemo vidjeti ko je od povjerenika isplaćivao sebi platu i 100 KM goriva, koliko već svaki mjesec. Doće i to na red, ali budite racionalni, iskreni, korektni. Nudio sam vam saradnju, imate Službe na raspolaganju, ali ne na način provokacije, ne na način prohtjeva, ja hoću milion. Nema i završena priča. A igrate se ovdje određenim izjavama, plaćate predračune. Ko plaća predračun? Gdje se plaća predračun? Predračuni se ne plaćaju, osim ako se ti i ja ne dogovorimo da ćemo plaćati.

Vijećnik Jasmin Begić, ja ću iznijeti stav Kluba koji će sigurno biti protiv ovog Izvještaja. Na prošlim sjednicama sam rekao da je dosta sredstava utrošeno u predizbornu kampanju i načelnik me demantovao na prošloj sjednici. Ali ovaj papir ne može demantovati. Ovaj papir nam govori da je kampanja jako dobro vođena iz sredstava Općine. Kampanju načelnika smo platili svi. Od planiranih 21 stavku ovdje u Budžetu, 5 nije nikako realizovano, ali je zato 31 neplanirana. Evo mi imamo sad usvajati Izvještaj o kapitalnim ulaganjima. Ja mislim da ga mi uopšte ne trebamo donositi i glasati i diskutovati. Ima načelnik, on to radi, asfaltirat će se gdje on rekne, pravit će gdje on rekne. Isto tako je Maidu Suljaković rekao za Tujnicu da nema određeni broj stanovnika da se uradi neki put. Po broju stanovnika se radi kapitalno ulaganje. Na stavci broj 2. rekonstrukcija- asfaltiranje puta Jablanica-Gornji Rakovac 25 hiljada. Gore ne živi niko. Gore nikad niko se neće vratiti, to je stav njihove mjesne zajednice. U Jablanici imate rupe, imate bankine i sve je oštećeno, međutim gore se radi, gdje se pravi vikend naselje, od svojih kuća pravi vikendice. Tako da ne stoji to da se radi shodno broju stanovnika vezano za

kapitalna ulaganja. Van Plana je urađena 31 aktivnost, a 21 je predviđena, od toga 16 realizovano. Klub SDA će biti protiv ovog Izvještaja.

Načelnik općine Mirsad Mahmutagić-replika, opet moram malo replicirati. Aj analizirajte 5 projekata koji nisu urađeni, pa ćete vidjeti zašto nisu urađeni. Budite insan, što se u narodu kaže, pa recite samo 16 od 21 i plus ovoliko ovih neplaniranih. Budite insan pa recite ljudima da to nije asfalt u Rakovcu, nego asfalt na oštećenom kolovozu u MZ Jablanica do mosta Palučak. Ajte recite građanima da oni koji idu i na vikendice i na izlete i koji eksploatišu vodu i svim onima koji se ondje nalaze do mosta u Palučku, recite da im to ne treba, da trebaju hodati kroz rovače. Aj objasnite građanima da neko treba tužiti Općinu što je onolika rupa na sfaltu, pa da naplaćuje štetu, kao što radite sa vašim tajkunom koji pokušava da tuži Općinu da je odbio točak i da vam ne nabrajam sve to. Svaki pedalj općine je bitan. Da li je sve istog prioriteta? Nije. Da li se u sve mjesne zajednice podjednako ulagalo? Nije. Da li u sve mjesne zajednice treba podjednako ulagati? Ne treba. Nisu sve ni iste veličine, ni iste infrastrukture. Vijećniče Suljakoviću, ja Vas molim, kad smo to razgovarali o asfaltiranju u Tujnici i da sam rekao da nema naroda? Ja sam tako razumio. Jesmo ikada razgovarali na tu temu? Nismo. Ja vas razumijem kao opoziciju, budite svi protiv toga, ali nemojte valjati gluposti. Nemoj vijećniče Begiću govoriti da drugom ne treba, a kad je tebi trebalo trčao si za mnom, samo što me nisi ljubio. Nemoj sada govoriti drugima ne treba. Treba i drugima, treba Begiću, ali treba i drugima. Treba svima. Ali ne možemo svima u jednoj godini. Ne možemo svima. Nije na zapadu da su države bogate, pa gdje god maknete nešto se radi, dograđujemo. Pa i mi ćemo, samo što smo siromašni. Pa Boga pitaj kad ćemo i mi doći na nivo ovih lokalnih, asfaltiranih puteva. I evo kad ste pomenuli Jablanicu. I tu je rađeno i bankine, asfaltne rupe, odvodnja, ali nećete da kažete to, hoćete da izađete u javnost i kažete nešto drugo. Pa nemojte, budite čovjek i recite šta jest.

Predsjedavajuća Svjetlana Zamboni-Radovanović-replika, na prošloj sjednici Općinskoga vijeća kada smo diskutovali o Nacrtu Budžeta za ovu godinu, sami ste istakli kako je 5 hiljada koje stoje tamo za turizam malo. Hvala Bogu, pa i kroz ove projekte kapitalnih investicija potiče se i dio turizma. Ako posmatrate dionicu koju ste spomenuli kao problematičnu što se asfaltirao dio puta, pokrpane te rupe, na dionici te ceste prema Palučku. Dakle, ako govorimo o prirodnim ljepotama, prilazu Ozrenu, mislim da je bilo kakvo ulaganje, koje će poticati turizam i privlačiti ljude da posjete općinu Maglaj pohvalan, a ne za kудiti. I bez obzira ko tamo živi i koliko živi, nije uredu da se bilo kojem građaninu općine Maglaj onemogućí pristup njegovom domu. Taman da ih je petero, zaslužuju da priđu svojoj kući kao ljudi i da imaju pristup kao ljudi.

Vijećnik Jasmin Begić, ja ne znam zašto ne čitate materijal. Govorite o putu kojeg ja nisam spomenuo. Ja govorim o putu Gornji Rakovac, u Donjem žive ljudi. Govorim o Gornjem Rakovcu gdje vam fino piše stavka broj 2. Logično je da svako treba imati pristup svom domu, ali je logično i to gdje je broj građana veći, veći broj ljudi, da se po prioritetu rade ti putevi.

Načelnik općine Mirsad Mahmutagić, put u Jablanici, Jablanica-Rakovac, o kojem govorimo i za koje je Općina izdvojila sredstva je Donji Rakovac, u planu sa sredstvima općinskim. Put za Gornji Rakovac nije radila Općina Maglaj. Uložena sredstva koje je kanton odobrio Udruženju povratak, kako se zove, odobrila kantonalna Vlada. Udruženje našlo izvođača, dogovorili aktivnosti i završili. Put koji tretira Plan kapitalnih investicija je put koji je tretiran, 2019.godine odrađen dio puta, dio puta odrađen i 2020.godine. Neke aktivnosti ćete u Planu naći da se uopće ne finansiraju iz sredstava Budžeta Općine. Negdje je Budžet Općine, negdje građana, negdje viših nivoa, negdje građana i Općine. A može se desiti i projekat koji piše da se finansira iz sredstava viših nivoa. Nekad ćete naći da su to skoro sva sredstva viših nivoa, negdje omjer 60-40, kako god, samo se udubite i pogledajte.

Vijećnik Almin Smailović, ja bih pozdravio sve prisutne. Obzirom da mi je ovo zaparalo uši, vezano za ovu diskusiju od strane Begića, a odnosi se na to, daj da usvojimo Izvještaj, nije bitno. Ovdje imaju poslušnici koji će usvojiti Izvještaj, u smislu da ćemo dizati ruku. Mi, vijećnici iz SDP-a nismo poslušnici, nego partneri sa načelnikom. Mi predstavljamo građane i mi na takav način ćemo se i odnositi. Moram da kažem, u mjestima u kojima nije bilo saradnje, evo prvenstveno govorim o MZ Čobe zbog opstrukcija odećenih, koliko toliko smo uspostavili saradnju da olakšamo put dobijanja sredstava i određenih realizacija projekta iz tog razloga određenih opstrukcija. Da nas ovdje ne gledate i da nas ostale ne minimizirate. Ako mislite da nas minimizirate, mi ostali imamo svoje stavove i iznositi ćemo ih. Mi smo partneri sa načelnikom i razgovarat ćemo na tom nivou i na taj način. U tom dijelu mi zasmetalo. Imamo jedan korektan odnos i razgovaramo na svim nivoima i to nam treba biti neki put kako ćemo i mi ovdje da razgovaramo.

Vijećnik Eldis Kusr, vezano ovdje za Rakovac, meni kao vijećniku koji ne dolazi s tog terena i slažem se sa predsjedavajućom da mi kao vijećnici moramo poštovati i predstavljati sve građane općine Maglaj. U Izvještaju 2. zaista piše Rakovac i piše da su sredstva data iz Budžeta. Možda je greška, ako je greška da se ispravi.

Zaključujem raspravu i dajem na glasanje

ZAKLJUČAK

4.1. Usvaja se Izvještaj o realizaciji Plana kapitalnih investicija Općine Maglaj za 2021. – 2022. godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusr, Edin Osmić, Eldin Pehrat, Edin Salatović, Maid Suljaković (SDA).

5. Plan kapitalnih investicija Općine Maglaj za 2021 – 2023. godine;

Nermin Bešliagić-uvodničar, kroz prethodne diskusije se na određeni način komentarisao Plan. Podsjetio bih samo, s obzirom na veći broj novih vijećnika, da otprilike Plan kapitalnih investicija se posljednjih tri, četiri godine donosi se ovako u ovom formatu, da ranije nije postojala ta praksa i da nije bio Plan kapitalnih investicija. S te strane, procedura donošenja Plana kapitalnih investicija je u smislu da se odlukom načelnika pozovu mjesne zajednice da dostave svoje najprioritetnije prijedloge koji se smatraju realnom izvodljivim, provodljivim u periodu 1+2 godine i s te strane ove godine prikupljeno je 72 prijedloga mjesnih zajednica, 31 iz saobraćajne infrastrukture, 8 iz vodovoda i kanalizacija, 15 rasvjeta, 8 društveni objekti, 3 projektna dokumentacija i 7 ostale aktivnosti. Ta 72 projekta, radna grupa koju formira načelnik, koja je u potpisu ovog Plana, na određeni način provodi analizu svih tih projekata, u smislu njihove usaglašenosti sa realnim mogućnostima, prioritetima, broju korisnika, raspodjele pravedne prema mjesnim zajednicama, zatim i neke druge stvari, postojanje projektne dokumentacije, zrelosti projekta. S te strane, nije to uvijek zahvalna uloga, da se nekome da veći prioritet ili manji, ali u principu nešto što je važno naglasiti da se radi na način da nijedan od prijavljenih projekata nije odbačen. Svi prijavljeni projekti su u Planu i svi su zadržani. Niko nije dostavio projekat, a da nije uvršten u Plan, da li je predviđen 2021., 2022. ili 2023. Važno je napomenuti da nije nijedan odbačen. Plan je da se otprilike s obzirom na sve ove okolnosti, način razmišljanja i radne grupe je bio pun neizvjesnosti. Šta se može očekivati od 2021. godine., s obzirom na nekakav mogući priliv sredstava, otprilike Plan je napravljen na ukupan iznos 1.361.880,00 KM, odnosno iz Budžeta 441.392,00 KM, iz ostalih viših nivoa 920.488,00 KM. Treba istaknuti da je projekti koji jesu u Planu, sigurno nisu prepreka nekim drugim projektima, s obzirom na priliv nekih sredstava koji u ovom momentu nisu vidljiva, izvjesna i tako dalje. Ove prethodne diskusije što su bile, može se reći jeste to predizborna godina, ali s druge strane jeste jedan značajan broj projekata, nametnuli su se jer su se stekli uslovi za njihovu realizaciju. I treće što je važno što niko nije primjetio da je blizu 100 hiljada KM sredstava građana koji su sufinansirali te projekte i na neki način u prioritet doveli svoje projekte, koji možda po planu nisu bili ni planirali niti bili blizu prioriteta, da su po principu marka na marku ili slično, na određeni način sami inicirali projekte i učinili ih izvjesnim.

Otvaram raspravu.

Vijećnik Edin Osmić, ovdje u ovom Planu sada moram ponovo govoriti konkretno za Liješnicu. Kako sam u ovim tabletama pogledao, pa pitam sada sve vijećnike, da li je sada Liješnica ko Liješnica zaslužila da dobije 10 hiljada KM samo za čitavu godinu? Uzimao sam svaku stavku, pisao i računao, pa sam razvalio jedan digitron, uzeo drugi pa vidio to. Interesuje me samo, ovdje piše izgradnja saobraćajnice Poslovna zona nekih 160 hiljada, to ću otići u Službu da vidim. U 2021. godini i to nema. Treba da se uradi taj projekat, hoće li ili ne. Malo nam je to zapalo za oko.

Načelnik općine Mirsad Mahmutagić, nećete se Vi Osmiću na mene naljutiti. Malo ću se našaliti. Pored digitrona kupite i kalendar i notes pa zabilježite, ne može svake godine maksimum. Nekad bude više, nekad manje, što ne znači da će biti samo to. Imate pogledajte projektanu dokumentaciju, imate i tu Liješnicu. Ima

projekat izrada glavnog projekta vodosnabdijevanja, tu imate. Imate prošlu godinu, prethodnu, što ne znači da neće biti. A možda projekti koji su dostavljeni, nisu mogući. Morate malo osomatirati šta je bilo ranijih godina, a onda vidjeti šta je ove godine. Možda kroz projektnu dokumentaciju vidjeti šta iduće.

Vijećnik Mustafa Bešić, što se tiče ovog Plana kapitalnih investicija, mi ćemo ga podržati. Ovo što je načelnik rekao, moja mjesna zajednica imat će i narednih godina ulaganja i investicija, to me jako zanima. Imali smo prošlih, prethodnih godina, dosta smo toga popravili i uljepšali život građana. Ovo što želim da iznesem, tri godine pred nama, nas najviše nam je problem vodosnabdijevanje Domislice. Mi naseljeno mjesto Domislica ko da smo ukleti, toliko godina imamo problem s tim. Ja bih bio najsretniji na svijetu kad bismo mi riješili samo vodu u Domislici za četiri godine, samo to, ništa više. Drugi su nam manji problemi, al su isto bitni. Povezivanje puta preko Čoba koji povezuje više mjesnih zajednica. Imamo problem prema naseljenom mjestu, prema par kuća. Ja sam četiri godine bio predsjednik, imamo veliku mjesnu zajednicu, imamo zaseoka, ljudi me stalno zovu, ogromni problemi. Ulog 100 hiljada KM, a dvije kuće. Ja kažem toliko naseljeno mjesto da Budžet ne može biti. Treba biti realan šta se može pomoći. Imamo problem sa Domom kulture, riješili smo problem stolarije, dom nam je potrebno da imamo organizacije, kulturne manifestacije, mladi i to. Imamo trenutno loš krov, potrebna hitna sanacija. Nadam se da kroz ove tri godine da ćemo uspjeti šta. Bitno je da se svim ljudima obezbjedi asfalt, da nisu u blatu. Mi smo se trudili u ove godine da im obezbjedimo i tako ćemo nastaviti.

PAUZA (od 11:50- 12:30 sati).

Vijećnik Eldis Kusur, što se tiče Plana kapitalnih investicija 2021.-2023.godina, ovdje se može vidjeti da su poprilično sve mjesne zajednice dostavile svoj plan kapitalnih ulaganja. Konkretno, mjesna zajednica iz koje ja dolazim, a prije mene je u diskusiji bio i povjerenik, mjesna zajednica je predložila što se tiče saobraćajne infrastrukture, asfaltiranje dionice put Balele-Domislica-bandera i asfaltiranje nastavka puta Domislica-Brezove Dane što je pohvalno. Povezao bi mjesnu zajednicu Domislica sa Čobama i ovaj dio Balele-Domislica-bandera gdje živi stanovništvo i hrvatske nacionalnosti, pored toga imaju i svoje mjesno groblje i bilo bi im ovako bliže doći do svojih kuća, a ovako je duži put prema Beša. Što se tiče javne rasvjete, javna rasvjeta u Domislici je urađena. Vodovod i kanalizacija Domislica poboljšanje snabdijevanje pitkom vodom. Zaista mi od samog povratka 1998.godine ka ovamo imamo problema sa snabdijevanjem pitkom vodom. Mnogo je projekata došlo, mnogo je sredstava došlo za vodu, ali do danas se ništa nije realiziralo. Vidjeli ste u onom Izvještaju koji smo imali na prethodnoj tački 4. da je u Domislicu uloženo 33 hiljade od strane kantona i 4 hiljade od strane Budžeta Općine. Ali zaista problem vodosnabdijevanje vodom nije riješen. Ključni problemi izgradnje i sanacije ili eventualno izrade projektne dokumentacije za branu koja se mora napraviti. Voda koja trenutno dolazi u rezervoar koji snabdijeva naseljeno mjesto je nedostatna. Čak šta više bazen, rezervoar koji se nalazi na tom dijelu je manjeg kapaciteta. Projekti od društvenog značaja. Tu je mjesna zajednica predložila sanaciju društvenog doma. Konkretno u daljim prioritetima, nakon razmatranja koordinacionog tima, shodno razmatranju kriterija koji su već utvrđeni, uvidio sam ovdje što se tiče saobraćajne infrastrukture da je samo ostao put asfaltiranje dionice Balele-Domislica-bandera u 2021.godini, a ovaj drugi put da nije uvršten čak ni u ovom Planu 2021.-2023. Znam da ima mnogo mjesnih zajednica, njih 20, ne možemo očekivati da se u svaku odmah unese 100 hiljada KM, ali smatram da asfaltiranje ovog puta Balele-Domislica-bandera u prvom mahu bilo bi prioritetnije, velika je investicija, da se bar naspe, sanira taj put, kako bi stanovnicima koji gravitiraju na tom području, bilo bliže da dođu do mjesnih zajednica koje su susjedске to su Čobe i Kopice. Ovaj put iz Domislice prema banderi, naseljenom mjestu Beše, da ovi ljudi koji idu na svoja imanja, da ne obilaze 4-5 kilometra daljim putem, kad mogu doći za kilometar, odnosno 5-6 minuta. Što se tiče vodovoda i kanalizacija, kao što je Mustafa Bešić, povjerenik MZ Brezove-Dane kazao prioritet u Domislici je zaista voda. Mnogo sredstava je uloženo u tu vodu, ali je mi u ljetnom periodu nemamo. Vidimo ovdje koordinacioni tim nije se odlučio za ulaganje u vodosnabdijevanje u Domislici. Ja ovim putem pozivam kako načelnika, tako resornu Službu da se zaista uključe u rješavanje ovog problema. Jer čim počne mjesec, maj, juni, juli, mi u Domislici nemamo vode, a rijetka smo mjesna zajednica da je voda čisto s izvora. Dolazi nekih 4-5 kilometara iz Kopica. Ovdje bih predložio, što se tiče vodovoda i kanalizacija, u rang jedan rješavanje problema vodosnabdijevanje naseljenog mjesta Domislica pitkom vodom. Projekti društvenog značaja. Mi imamo društveni dom, određena sredstva su uložena. Kao i u svim drugim mjesnim zajednicama zbog pandemije nije bilo nikakvih druženja. Smatram da i taj projekat treba da ostane i da se realizira, ali da je prioritet vodosnabdijevanje naseljenog mjesta Domislica. Projektna dokumentacija, vi ovdje vijećnici ne znate, vodom naseljeno mjesto Domislica ima Udruženje mjesnog vodovoda Domislica, gdje su akumulirana određena finansijska sredstva, čak šta više moglo bi se i sufinansirati rješavanje nekih manjih projekata na vodosnabdijevanju. Ovdje projektna dokumentacija predlažem da se

predvidi izrada projektne dokumentacije za izgradnju novog rezervoara pitke vode od 200 kubika za naseljeno mjesto Domislica. Jer po analizi šefa Službe Hajrulahovića, prije neke dvije godine, zaključak je bio, da je rezervoar koji je trenutno na vodovodu, je nedostatan, malan, cca 60 kubika, a 200-tinjak domaćinstava je priključeno na tu. Možete misliti, koliko god vode da dođe on se isprazni, tako da je neophodno da bude veći rezervoar. Ja sam podnio inicijativu na prošloj sjednici i vidim ovdje da nema tog pojasnog puta Novi Šeher-Mladoševica-Domislica-Brezove Dane da se izvrši sanacija, tako što će se nasuti bankine i negdje popraviti dio puta koji je popucao i da se nastavi afaltiranje puta od Domislice prema Brezovim Danama. Mi smo velika mjesna zajednica, i na dijelu iza Domislice, postoje Brezove Dane, Beše i Lugovi gdje gravitiraju ljudi hrvatske, srpske nacionalnosti kojima treba omogućiti iste uslove kao što su omogućeni i nama u Domisllici.

Vijećnik Mirza Mešić, ja ću kratko samo vezano za ovaj Plan. Od infrastrukture, rasvjete, projekata, jasno se vidi da su obuhvaćene sve mjesne zajednice i Maglaj grad. Vidjeli smo prethodne godine da je velika većina urađena svih tih kapitalnih i mimo toga urađeno dosta. Mi se nadamo da ćemo i dalje nastaviti tako, a vjerujemo i ubijedjeni smo u to. Vidjeli ste isto tako kao što je gospodin Osmić rekao „malo“, uvijek sa strane se rade neke druge stvari, neki projekti, nadam se da će tako biti i ubuduće. Stojimo iza ovog Plana u potpunosti i podržat ćemo ga što se tiče nas.

Vijećnik Eldin Pehrat, ja imam samo jedno pitanje vezano za Novi Šeher, izmjena i dopuna koncepta cestovnog saobraćaja kroz Novi Šeher. Pa me zanima samo na šta se tačno odnosi i gdje?

Vijećnik Edin Salatović, ja ću se samo osvrnuti na mjesnu zajednicu Bradići. Pošto se radi o jednoj specifičnoj mjesnoj zajednici, ovdje čini mi se negdje oko 20 + 50 hiljada vezano za tu rekonstrukciju lokalnog puta između Maglaja i Zavidovića. Ja bih samo da dodam, ako je moguće da se u Plan kapitalnih investicija u naseljenom mjestu Gornji Bradići uvrsti putni pravac u dijelu bare-podvožnjak. Radi se o nekoj cesti koja ima oko 400 metara, tu obitava oko 20 domaćinstava u 20 kuća, bošnjačke i hrvatske nacionalnosti i taj put spaja općinu Maglaj i Žepče. Tu se nalazi, vidim da je jedan od kriterija bio ekonomski karakter, ima oko 400-500 dunuma zemlje koja je obradiva i koju svi stanovnici koriste. U Donjim Bradićima, na putu koji vodi od Fojnice do Donjih Bradića neophodno je uraditi zaštitne ograde, bar na mjestima koji su jako kritični. To je jedan zaista težak put posebno u zimskom periodu. Ti radovi nisu zahtjevni možda do 10 hiljada, ali je jako bitno da se u narednom periodu i to uvrsti na zadovoljstvo svih građana.

Nermin Bešlić, otprilike radna grupa za izradu ovog prijedloga rukovodila se prispjelim prijedlozima mjesnih zajednica. Zaista ono što su dostavili, to je otprilike koncept. Možda se ovdje otvaraju nove ideje, novi projekti, što sigurno preko mjesnih zajednica može se dostavljati i da se na određeni način tretira i obradi. Da li u narednom Planu ili ovom zavisi od mogućnosti. Što se tiče pitanja od vijećnika Kusura i Bešića iz Domislice, pitanje vodosnabdijevanja Domislice zaista je bilo pitanje koje je prepoznato, koje je i sam načelnik potencirao. Mjesna zajednica Ravna i Domislica su dvije mjesne zajednice koje imaju taj problem u 21. vijeku, život bez pitke vode je nezamisliv i potpuno postoji razumijevanje tih domaćinstava i s te strane što se tiče Domislice nije se našao taj prijedlog u Planu iz razloga što je ostao obaveza i zaduženje administracije i predstavnika mjesne zajednice da se napravi koncept. Bilo je i do sada pokušaja, koji danas stoje, od Ibisa i slično, uloženi su danas novci, ali je bitno da se dođe do kvalitetnog koncepta rješavanje tih problema, kvalitetne projektne dokumentacije i onda se ide dalje.

Zaključujem raspravu i stavljam na glasanje,

ZAKLJUČAK

5.1. Usvaja se Plan kapitalnih investicija Općine Maglaj za 2021. – 2023. godine.

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Eldis Kusur, Edin Osmić, Edin Salatović (SDA).

GLASALO PROTIV: Maid Suljaković (SDA).

GLASALO UZDRŽANO: Safet Jašić, Eldin Pehrat (SDA).

6. Prijedlog Odluke o izmjenama i dopunama Poslovnika o radu Općinskog vijeća Maglaj;

Predsjedavajuća Svjetlana Zamboni-Radovanović, kao što znate i kao što stoji u materijalima, Kolegij je razgovarao o ovim izmjenama koje se tiču samo ova dva člana, vidjet ćemo u konačnici i to iz razloga da olakšamo i omogućimo rad Općinskog vijeća u narednom periodu, prije svega radi evo očiglednog i mogućeg lockdowna koji će možda uslijediti, a da ne zaustavimo život lokalne zajednice, da omogućimo sebi rad i naravno dostava materijala. Kao što znate ova inicijativa Kolegija je bila i na Komisiji za Statut i Poslovnik i oni su o tome razgovarali, dali svoja mišljenja koja ste također u materijalima dobili. S tim što ostajem ovdje dužna jednu ispravku, a to je vezano za ovaj prijedlog izmjene člana 58. gdje stoji da Općinsko vijeće redovno tematske, redovne, vanredne i elektronske sjednice. Nakon što smo ovo dostavili Komisiji, naknadno smo o tome razgovarali i prije početka sjednice usaglasili se da elektronska sjednica nije tip sjednice, nego način izvođenja, tako da se briše elektronska. U članu 59. svakako stoji redovne, tematske i vanredne, mogu realizovati i elektronski. Eto ukoliko se slažete. Kolegij se usaglasio da ćemo u narednom periodu ići u izmjenju Poslovnika o radu Općinskog vijeća, bit će to dosta detaljnije, sve sugestije su dobro došle. Komisija će to sve pretesti, tako da eto.

Otvaram raspravu.

Vijećnik Hajrudin Ferić, iskreno rečeno, meni kao predsjedniku Komisije je bilo drago kad sam vidio ovu inicijativu Kolegija za izmjenama Poslovnika, a koji su, kako smo mi to na Komisiji, a i ja kasnije kao vijećnik kada sam razmatrao, vidjeli glavnu intenciju, cilj, željeni cilj a to je da se reguliše rad Općinskog vijeća u vanrednim okolnostima, stanju prirodne nesreće, neposredne ratne opasnosti. To je nešto što je jako važno, nema Kapića da potvrdi, nešto što svi zakonodavni organi vlasti su prethodnih godinu dana radili, mijenjali Poslovnik, kako bi se sjednice zakonodavnog organa ili lokalne samouprave prilagode uslovima pandemije. Ono što je važno naglasiti jeste da naš Poslovnik ima tu jednu manjkavost da apsolutno ništa ne reguliše, ne definiše i ne odgovara na ta pitanja rad u tim uslovima. Naravno da smo mi na Komisiji, iako površno, prihvatili tu inicijativu. Imali smo priliku da to zaista samo površno gledamo, prihvatili smo to kao dobro došlu inicijativu da se uradi. Također, naravno već dugo vremena, igrom slučaja mi koji smo bili i u drugom sazivu Vijeća, postavljali pitanje same dostave materijala. Uvijek je bilo dilema, ali ipak smo mi u nekom 21. vijeku kada funkcioniše elektronska pošta, kada se osim tih ekonomskih, ekoloških i drugih razloga zbog čega bi se to češće trebalo praktikovati, a nameće funkcionalniji i brži način dostave pošte, konkretno vijećnicima, a i radnim tijelima Općinskog vijeća. Dakle, zbog toga je ta inicijativa podržana od strane Komisije za propis i Poslovnik Općinskog vijeća, koja je održana prošli petak. Sada govorim kao vijećnik. Dakle, ponovit ću ono što i kao Komisija zapravo je utvrdila da prihvatam i podržavam izmjene Poslovnika o radu Općinskog vijeća i smatram nužnim da se čim prije reguliše pitanje funkcionisanja sazivanja sjednica Vijeća u vanrednim okolnostima. Predlagač je ovdje, uvažavajući dobru namjeru, krajnje ciljeve da se to reguliše, ipak otvorio u tumačenju svog prijedloga inicijative mogućnost različitog tumačenja. Dakle govorim o tačkama 1. i 2. Prijedloga Odluke o samom načinu kada predsjedavajući može da sazove telefonske sjednice i smatramo da u tom dijelu trebali da ipak ne žurimo, otklonimo sve eventualne nejasnoće i optužbe da niko ne želi, da se ovom zakonodavnom organu vijećnicima oduzmu politička, građanska i svaka druga prava koja su po Ustavu zagarantovana čak i po Međunarodnim konvencijama, a to da se omogući slobodno izražavanje politički stavova, misli, javnog okupljanja, i tako dalje. Dakle, postoji mogućnost da se kroz ovaj Prijedlog tretira mogućnost kada predsjedavajući ocijeni da je to neophodno da sazove telefonsku sjednicu i to redovnu tematsku i vanrednu. Mi ovdje treba da govorimo o vanrednim slučajevima i vanrednim situacijama, možemo da razgovaramo samo u takvim uslovima i izuzetno da se odrede određena pitanja koja bi se mogla i na takav način regulisati. Ovo ponavljam, izazvalo bi različite dileme i mogućnost različitog tumačenja što se tiče člana 4. koji govori o dostavljanju pošte elektronskim putem, nemam primjedbi, podržat ću svakako. Pa bih ja, kao vijećnik samo predložio da se brišu članovi 1.2. i 3. , a da članovi 4. i 5. postanu članovi 1. i 2. A da se usvoji zaključak da Komisija za Statut, propise i Poslovnik sačini i Općinskom vijeću dostavi prijedlog izmjena Poslovnika o radu Općinskog vijeća Maglaj u dijelu koji se odnosi na rad Općinskog vijeća u uslovima vanrednog stanja, proglašenja prirodne nesreće, neposredne ratne opasnosti ili ratnog stanja. Da se da rok toj Komisiji za utvrđivanje prijedloga, a to bi bilo 30 dana, nekakav minimum od dana donošenja tog zaključka. Ponavljam još jedanput, ovako sročeno da donesemo danas izmjene Poslovnika zaista bi moglo da naiđe na različita tumačenja, a smatram lično da nema potrebe da ulazimo u nekakvu moguću

avanturu. Znam šta je namjera, da sasvim sigurno to trebamo i da trebamo što prije da regulišemo rad Vijeća u vanrednog stanja. Ja sam se zaista pripremio za diskusiju i šire elaboriranje, ali sjednica već dugo traje, tako da mislim da nema potrebe da radimo. Ako bi se i usvojio čak taj Poslovnik, on se ne može usvojiti samo u ovom dijelu, ima još i nekih članova koji bi se morali mijenjati, čak i Statuta Općine, a sve je pitanje kako je to u skladu sa ustavnim kategorijama, pojedinim članovima koji regulišu rad lokalne samouprave i tog predstavničkog tijela, konkretno Vijeća. Bolje da ne žurimo, sačekamo dan, dva. Ovaj Prijedlog u smislu elektronske dostave materijala, podržimo.

Predsjedavajuća Svjetlana Zamboni-Radovanović, Kolegij je imao na umu period koji slijedi veliko brzo. To je period u kome se očekuje veliki broj oboljelih, to je period u kome možemo očekivati neku vrstu zabrane bilo kakve vrste okupljanja, dakle iz tog razlog se Kolegij opredijelio i za izmjenu ovog dijela, da se sjednica može održati elektronskim putem. Evo tu su prisutni članovi Kolegija, pa neka me isprave, ako sam u krivu. Upravo iz razloga što period koji slijedi mogao bi dovesti do toga, pa da ne bismo gubili na vremenu dakle da ne čekamo stvaranje normalizacije uslova i održavanje sjednice na koji je to uobičajeno. Iz tog razloga je predložena ovakva izmjena. Ako budemo čekali mjesec dana prijedloga, Komisija, mislim da za dvije sjednice nećemo to završiti.

PAUZA KOLEGIJ.

Predsjedavajuća Svjetlana Zamboni-Radovanović, na Kolegiju smo se usaglasili da u članu 5. dodamo da ova Odluka važi 60 dana, a da se u međuvremenu uđe u izmjenu Poslovnika, poštujući sve što je gospodin Fermić kazao i što je iznio.

Vijećnik Eldis Kusr, Klub vijećnika SDA smatra, naravno sve teže vrijeme ide i zaista treba razmišljati o elektronskom održavanju sjednica Općinskog vijeća. Odluka je urađena, kako je urađena. Složio bih se s predsjednikom Fermićem, bojazan oko glasanja, sms-om, tu je jedna bojazan, kako i na koji način utvrditi da je s druge strane vijećnik potvrdio. To je neko tehničko pitanje. Protiv elektronskih sjednica nemamo ništa, većina to radi, u ovoj situaciji kakva jest je opravdano. Što se tiče dostavljanja materijala elektronskim putem, svjedoci smo, ovo je 3.sjednica da smo imali manjkavost i probleme u dostavljanju materijala vijećnicima, da ne dođe mail. Smatramo da bi trebalo pored elektronskog dostavljanja materijala vijećnicima, da se ostavi mogućnost dostavljanja i u printanoj verziji, dakle da bude u printanoj pored elektronskog.

Predsjedavajuća Svjetlana Zamboni-Radovanović-replika, dakle, mailovi su svima došli. Sad ko kako otvara mail, kakav je to mail, je li to aktivan, neaktivan, adresa koja se koristi. Samim tim ako je mail došao meni, dakle došao je na sve adrese koje su navedene kada je to traženo od vijećnika. Činjenica da mailovi nisu dolazili, nije tačno. Hvala na iznesenom stavu. **Predsjedavajuća Svjetlana Zamboni-Radovanović**, po pitanju ove diskusije koju je kolega Kusr vodio, vezano za dostavu materijala u printanoj formi. Moram se kratko samo osvrnuti. Ova izmjena koja je unesena u Poslovnik predviđa dostavljanje jednog seta printanog materijala za svaku političku partiju. Što znači da će svaka partija u tom slučaju imati printani materijal koji može umnožavati na način koji je dostupan. Dakle, osim toga konstatacija na sjednici Kolegija je bila da, između ostalog i to da partije primaju novac od Općinskog vijeća, Općine, partije mogu izdvojiti nešto novca za printanje materijala za one koji osjećaju potrebu za tim, tako da eto u tom smislu. Mislim da je ovakva izmjena Poslovnika o radu Općinskog vijeća sasvim opravdana. Zaključujem raspravu.

PAUZA.

Predsjedavajuća Svjetlana Zamboni-Radovanović, radilo se o tome da ovo dostavljanje materijala stoji za političke partije, ali ne i za neovisne vijećnike. Obzirom da mi nemamo takvih trenutno u Općinskom vijeću, još jednom sugerišemo da kad budemo radili izmjenu Poslovnika da se i ove stvari uobzire, da ne idemo sad u analize svake rečenice. Dakle, da funkcioniše lokalna zajednica i u vanrednim okolnostima.

Vijećnik Hajrudin Fermić nije prisutan u sali.

Predsjedavajuća Svjetlana Zamboni-Radovanović, dajem na glasanje

Z A K L J U Č A K

- 6.1. Usvaja se Odluka o izmjenama i dopunama Poslovnika o radu Općinskog vijeća Maglaj;
- 6.2. Briše se član 2. Odluke o izmjenama i dopunama Poslovnika o radu Općinskog vijeća Maglaj.
- 6.3. Član 3. postaje član 2. , član 4. postaje član 3., a član 5. postaje član 4. Odluke o izmjenama i dopunama Poslovnika o radu Općinskog vijeća Maglaj.
- 6.4. U članu 4. na kraju rečenice iza „Službene novine Općine Maglaj“ dodaje se „i ista važi šezdeset(60) dana“.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusr, Edin Osmić, Eldin Pehrat, Edin Salatović, Maid Suljaković (SDA).

7. Plan i program održavanja sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2021.godinu;

Dopredsjedavajuća Aida Bašić vodi sjednicu.

Otvaram raspravu.

Vijećnik Hajrudin Ferić prisutan u sali.

Zatvaram raspravu i dajem na glasanje

ZAKLJUČAK

7.1. Usvaja se Plan i program održavanja sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2021.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusr, Edin Osmić, Eldin Pehrat, Edin Salatović, Maid Suljaković (SDA).

8. Plan i program održavanja javne higijene i zimskog održavanja gradskih javnih površina sa finansijskim pokazateljima za 2021.godinu;

Otvaram raspravu.

Zaključujem raspravu i dajem na glasanje

ZAKLJUČAK

8.1. Usvaja se Plan i program održavanja javne higijene i zimskog održavanja gradskih javnih površina sa finansijskim pokazateljima za 2021.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusr, Edin Osmić, Eldin Pehrat, Edin Salatović, Maid Suljaković (SDA).

9. Plan i program održavanja javnog zelenila na gradskom području sa finansijskim pokazateljima za 2021.godinu;

Otvaram raspravu.

Vijećnik Hajrudin Ferić, prijedlog da se u Program uvrsti održavanje prostora bivšeg kolektivnog smještaja na Omerdinom polju, najmanje dva puta godišnje, košenje i održavanje. To je nešto što sam ranije inicirao, mislim da bi bilo dobro da se stavi u obavezu izvođaču radova, tom održavanju. S druge strane, ne mora ući u Program, ali predložio bih, inicirao da se s vremena na vrijeme, također pokosi i onaj srušeni objekat, ustvari površina na srušenom objektu gdje je rahmetli Mahmo Mulalić živio i Lukići. To je između gradskog groblja i ulice kestena, kako je mi zovemo. Znam da se to povremeno i radi, ali da to bude neka obaveza godišnje. To je

dva konkretna prijedloga, ustvari jedan prosto na Omerdinom polju gdje su bile smještene kućice za kolektivno stanovanje, koje su sad srušene. Mogli smo primjetiti, pogotovo jesenas, da je zaista ono bilo obraslo i ružno za vidjeti, prije svega. Htio bih samo još da na neki način da pohvalim rad KJD, kada je u pitanju zeleno održavanje grada i prigradskih naselja, ali isto tako mjesnih zajednica, pogotovo u zadnje dvije godine, da je za neprepoznati, kako je prije bilo. Također, pošto gore sjede zajedno, također bih sugerisao, preporučio i Općinskom načelniku i Službi da valorizuje i nagradi taj rad. Znam da KJD vrlo često to od sebe, u hajr investira. Krenut ćemo od parka, Borika, Rakovca, Bistrice itd. i to sve košta. Vrlo, vrlo obazrivo i ozbiljno tome pristupimo. Neka moja kalkulacija, u ovom Programu je 80 hiljada KM predviđeno za tu namjenu, a ako bi se samo to pretvorilo u broj radnika koji su angažovani na zelenilu, vidjelo bi se da po ovim sredstvima KJD pravilo gubitke. Zamolio bih da se zajedničkim snagama to pokuša uraditi i valorizovati to što u hajr rade.

Nedžad Čatić, selamim i pozdravljam sve prisutne. Ako bi ubacili ovaj dio, obzirom da smo mi ograničeni sa sredstvima 80 hiljada planirano, možemo mi ubaciti, samo što ćemo izvršiti kalkulaciju na drugom mjestu, nešto smanjiti, tako da bi ubacili i te površine. Na taj način možemo.

Zaključujem raspravu i dajem na glasanje Plan sa prijedlogom gospodina Ferića

ZAKLJUČAK

9.1. Usvaja se Plan i program održavanja javnog zelenila na gradskom području sa finansijskim pokazateljima za 2021. godinu.

9.2. Da se u Plan i program održavanja javnog zelenila na gradskom području sa finansijskim pokazateljima za 2021. godinu uvrsti održavanje prostora bivšeg kolektivnog smještaja na Omerdinom polju, odnosno košenje trave najmanje dva puta godišnje.

9.3. Da se s vremena na vrijeme pokosi površina na srušenom objektu, na lokaciji iza gradskog groblja, prema Ulici kestena, gdje je nekad bio stambeni objekat rah. Mahme Mulalića.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

10. Odluka o usvajanju Nacrta djelimične izmjene Regulacionog plana „Centar Maglaj-sjeverni dio“, po zahtjevu Ministarstvo unutrašnjih poslova Zenica, Uprava policije PU III PS Maglaj;

Nedžad Čatić-uvodničar, Odluka o pristupanju djelimične izmjene donesena je u junu mjesecu 2020. godine. Radi se o prijedlogu za izgradnju objekta za potrebe PS Maglaj. Radio bi se objekat u dvije faze. Pva faza bi bila u dijelu gdje su garaže, borovi, a druga faza je postojeći objekat, koji bi se srušio i izgradio novi. Radi se o Nacrtu, onda bi se izvršio javni uvid i javna rasprava, pa bi prijedlog išao na Vijeće na usvajanje.

Otvaram raspravu.

Zatvaram raspravu i dajem na glasanje

ZAKLJUČAK

10.1. Usvaja se Odluka o usvajanju Nacrta djelimične izmjene Regulacionog plana „Centar Maglaj – sjeverni dio“ po zahtjevu Ministarstva unutrašnjih poslova Zenica, Uprava policije PUIIIPS Maglaj.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

11. Odluka o usvajanju Nacrta djelimične izmjene Regulacionog plana „Omerdino polje“, po zahtjevu Mulalić(Ragib) Naser, Zukić (Ragib) Majda i Ustalić (Hazim) Salim;

Nedžad Čatić-uvodničar, isto se radi o Nacrtu Odluke kojom se definiše po zahtjevu stranaka, predviđa se izgradnja porodičnih stambenih objekta na mjestu gdje su bili predviđeni sadržaji centra. Ovaj Regulacioni plan koji se sada djelimično mijenja je usvojen 1990.godine. Od prije rata je, tako da u tom dijelu se ne mijenja saobraćajno rješenje, samo se predviđaju tri objekta na zemljištu po zahtjevu.

Otvaram raspravu.

Zatvaram raspravu i dajem na glasanje

Z A K L J U Č A K

11.1.Usvaja se Odluka o usvajanju Nacrta djelimične izmjene Regulacionog plana „Omerdino polje“, po zahtjevu Mulalić(Ragib) Naser, Zukić (Ragib) Majda i Ustalić (Hazim) Salim.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

12. Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“, po zahtjevu Mrvoljak (Zaim) Nisveta;

Nedžad Čatić-uvodničar, ovom Odlukom o pristupanju djelimičnoj izmjeni Regulacionog plana o pokretanju postupka po zahtjevu Mrvoljak Nisvete, to je lokacija na raskrsnici između Viteške i Aleje Ljiljana preko puta Karingtonke. Po zahtjevu se traži da se postojeći objekat zadrži uz nadogradnju sa leđne strane i da se predvidi još jedan objekat u okviru njihovog vlasništva sa djelimičnom izmjenom parcelacije. Znači nakon ovog eventualnog donošenja Odluke ide se na raspisivanje tendera za odabir izvođača radova i zavisno od toga, ide li se u redovan postupak ide se na javnu raspravu, ako nema redovnog postupka, onda ide prijedlog koji ide na Vijeće.

Otvaram raspravu.

Vijećnik Elvir Arnautović, pozdravljam sve prisutne. Predlažem da ovaj Prijedlog ide po skraćenom postupku. U razgovoru sa šefom Službe došao sam do saznanja da nema nikakvih smetnji i može ići po skraćenom postupku.

Dopredsjedavajuća Aida Bašić, zatvaram raspravu. Molim da se očitujete o prijedlogu vijećnika Elvira, dakle da ide po skraćenom postupku. Ko je za?

Z A K L J U Č A K

12.1. Postupak izmjene Regulacionog plana provodit će se po skraćenom postupku.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO PROTIV: Safet Jašić (SDA).

GLASALO UZDRŽANO: Hajrudin Fermić (DF).

Stavljam na glasanje

Z A K L J U Č A K

12.2. Usvaja se Odluka o pristupanju djelimičnoj izmjeni Regulacionog plana „Centar Maglaj – sjeverni dio“, po zahtjevu Mrvoljak (Zaim) Nisveta.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

13. Prijedlog Odluke o pristupanju djelimičnoj izmjeni Regulacionog plana „Misurići“ po zahtjevu Čolaković Nedim;

Nedžad Čatić-uvodničar, zahtjevom za pristupanje djelimičnoj izmjeni Regulacionog plana „Misurići“ obratio se Čolaković Nedim gdje traži da se izvrši korekcija u dijelu saobraćajnice pored njegovog objekta, jer ovaj dio saobraćajnice koji je predviđen da prolazi pored njega i susjednog objekta zahvata dio njegovog objekta, tako da ne može izvršiti legalizaciju objekta koji je već izgrađen. Ovom izmjenom bi se djelimično izvršila korekcija, tako da bi se smanjila širina saobraćajnica koja se u tom dijelu priključuje u postojeću saobraćajnicu.

Dopredsjedavajuća Aida Bašić, oprostite samo Nedžade, je li idemo u skraćeni ili redovan postupak?

Nedžad Čatić, ovdje su predviđena oba postupka. Mi obično stavimo redovni ili skraćeni, a na Vijeću je da se odredi.

Dopredsjedavajuća Aida Bašić, šta nam Vi predlažete?

Nedžad Čatić, ukoliko se ne izjasni, mi obično idemo u redovni, ako se baš kaže skraćeni, Vijeće usvoji i onda idemo skraćeni.

Dopredsjedavajuća Aida Bašić, ima li smetnji za skraćeno?

Nedžad Čatić, mislim da nema. Ovo je postojeće stanje.

Otvaram raspravu.

Vijećnik Hajrudin Ferić, nije konkretno vezana diskusija za ovaj Prijedlog, ali bih zamolio da kad se izjašnjavamo da li smo za redovan ili skraćeni postupak, da se koriste i ove grafičke ilustracije, crteži, a i da čujemo malo više detalja i argumenata zašto je nešto za, a zašto nešto ide po skraćenom. Mi ovdje kao Vijeće mora da nam bude jasno, da moramo imati na umu da redovni postupak obavezno podrazumjeva javnu raspravu. Omogućava građanima koji su zainteresirani da dođu i da iznesu svoje mišljenje, a ne da na poprilično brz način donesemo neku Odluku. U tom smislu da malo uozbiljimo, kako bi se mogli izjašnjavati da li ide redovan ili skraćeni. Konkretno, kada je bio Mrvoljak, čini mi se da sam pročitao da je to objekat koji ide 5+1+1, možda sam se zabunio, da je tu pokazana grafika, znao bi kako bi se odredio, da li bi prihvatio Elvirov prijedlog. Ipak je to centar grada, mislim da građani zaslužuju da se izjasne. Tako da kad je u pitanju situacija u Misurićima, nije mi baš jasna situacija, pa bi mi trebalo malo argumenata. Nije bitno kako ćemo se odlučiti, ali evo da to uozbiljimo.

Dopredsjedavajuća Aida Bašić, pitali smo šefa Službe da li ima smetnji da se provede skraćeni postupak, rekao je da nema.

Zatvaram raspravu i dajem na glasanje

Z A K L J U Č A K

13.1. Usvaja se Odluka o pristupanju djelimičnoj izmjeni Regulacionog plana „Misurići“ po zahtjevu Čolaković Nedim.

13.2. Postupak izmjene Regulacionog plana provodit će se po skraćenom postupku.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Jasmin Begić, Eldis Kusur, Edin Osmić (SDA).

GLASALO UZDRŽANO: Hajrudin Ferić (DF), Adis Abdurahmanović, Safet Jašić, Eldin Pehrat, Edin Salatović, Maid Suljaković (SDA).

14. Prijedlog Odluke o pristupanju djelimičnoj izmjeni Regulacionog plana „KOSOVA“, po zahtjevu Mačković Alen;

Nedžad Čatić-uvodničar, podnosilac zahtjeva za izmjenu traži da se na lokaciji koja je u njegovom vlasništvu izvrši izmjena, tako da umjesto do sada predviđenog parking prostora, predvidi izgradnja stambeno-poslovnog objekta koji bi on gradio. Lokacija je u Kosovi, desno od pekare.

Otvaram raspravu.

Vijećnik Mirza Mešić, obzirom da ovaj zahtjev još iz 2018.godine, kako vidim ovdje u materijalima, ima mišljenje i mjesne zajednice koja stoji iza toga, na osnovu svih tih podataka i skica ovdje što se nalazi, posotji svaki dokumenat i svako je mogao izvršiti uvid ko je htio, tražim od vijećnika svih nas da podržimo ovo i da ide u skraćenu proceduru.

Zatvaram raspravu i dajem na glasanje Prijedlog Odluke sa prijedlogom gospodina Mirze, ko je za?

Z A K L J U Č A K

14.1.Usvaja se Odluka o pristupanju djelimičnoj izmjeni Regulacionog plana „KOSOVA“, po zahtjevu Mačković Alen.

14.2. Postupak izmjene Regulacionog plana provodit će se po skraćenom postupku.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

15. Prijedlog Odluke o usvajanju djelimične izmjene Regulacionog plana „Centar Maglaj – sjeverni dio“, po zahtjevu Džinić Ferid i Džinić Sead;

Nedžad Čatić-uvodničar, ovdje se radi o Prijedlogu Odluke o usvajanju djelimične izmjene po zahtjevu Džinić Ferid i Džinić Sead, to je lokacija ova do ove što smo maloprije imali ,tamo gdje je Tabasco. Rađena je po skraćenom postupku, al je bilo pismenih očitovanja, koje šaljem vlasnicima susjednih parcela i objekata. Izmjenom se predviđa djelimična izmjena. Tu je bilo predviđeno prije tri lamele, tri objekta lamelnog tipa. Ukida se srednja lamela, predviđa se parking i povećava se spratnost 5+3, bilo je 5+1.

Otvaram raspravu.

Zatvaram raspravu i dajem na glasanje

Z A K L J U Č A K

15.1.Usvaja se Odluka o usvajanju djelimične izmjene Regulacionog plana „Centar Maglaj – sjeverni dio“, po zahtjevu Džinić Ferid i Džinić Sejad.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Adis

Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

16. Prijedlog Odluke o načinu i uslovima javne prodaje nekretnina-neizgrađenog gradskog građevinskog zemljišta u vlasništvu Općine Maglaj;

Nedžad Ćatić-uvodničar, Prijedlogom ove Odluke, Općinsko vijeće daje na prodaju putem licitacije dva građevinska placa u Misurićima, oba su po 500 m². Za ove građevinske parcele je izrađena urbanistička saglasnost, određeni uslovi građenja, veličine objekta i spratnost. Ukoliko ste za, u ovoj Odluci bi trebali odrediti cijenu. Uputili smo dopis Komisiji za procjenu nekretnina. Nismo dobili pismeno, jer nisu svi tu, al dobili smo usmeno da je početna cijena 30KM. Mi smo imali prošle godine jednu nekretninu preko puta, koju je Općina prodala i početna cijena bila je 30 KM u Misurićima. Potrebno da se formira Komisija za provođenje licitacije. Imate ovdje Prijedlog Odluke, gdje nisu stavljena imena, ali bi trebalo tri člana i tri zamjenika Komisije da se predloži.

Otvaram raspravu.

Vijećnik Eldis Kusur, šef Službe je već odgovorio na moje pitanje, koje smo htjeli ispred Kluba da postavimo. To je zadnja prometovana cijena na ovom području. Klub SDA se ne slaže sa prodajom ovih nekretnina s obzirom da se ovdje radi o Poslovnoj zoni. U ovom području bi Općina Maglaj trebala da kupuje, a ne da prodaje te nekretnine. I Klub vijećnika SDA zanima koliko je još ostalo općinskih nekretnina koje su na raspolaganju i koja je to površina?

Vijećnik Hajrudin Fermić, ne znam jel pripremljen prijedlog sastav Komisija ako nije da predložim da načelnik predloži sastav te Komisije. Također, predlažem zaključak, nakon što se provede kompletan postupak, da informacija o provedenom postupku se dostavi na Vijeće, tj. vijećnicima. Dakle, da se sve to dostavi kao informacija i da nam to bude praksa ubuduće.

Dopredsjedavajuća Aida Bašić, zaključujem raspravu i dajem na glasanje

Z A K L J U Č A K

16.1. Usvaja se Odluka o načinu i uslovima javne prodaje nekretnina-neizgrađenog gradskog građevinskog zemljišta u vlasništvu Općine Maglaj.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Vijećnik Maid Suljaković odsutan.

Dopredsjedavajuća Aida Bašić, dajem na glasanje

Z A K L J U Č A K

16.2. Početna prodajna cijena nekretnina iznosi 30,00 KM po 1 m².

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović (SDA).

Vijećnik Maid Suljaković prisutan.

Dopredsjedavajuća Aida Bašić, dajem na glasanje

Z A K L J U Č A K

16.3. Da se ovlasti Načelnik općine da predloži sastav Komisije za sprovođenje javnog nadmetanja – licitacije za prodaju nekretnina u vlasništvu Općine Maglaj.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Dopredsjedavajuća Aida Bašić, dajem na glasanje prijedlog vijećnika Ferića

Z A K L J U Č A K

16.4. Nakon što se provede kompletan postupak prodaje da se sastavi informacija o provedenom postupku i dostavi Općinskom vijeću.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

17. Prijedlog Odluke o davanju saglasnosti JP Elektroprivreda BiH d.d. Sarajevo podružnica Elektrodistribucija Zenica za izvođenje radova na postavljanju podzemnog optičkog kabla preko dijela nekretnina koje su upisane kao javno dobro;

Nedžad Čatić-uvodničar, to se radi o postavljanju optičkih kablova između trafo stanica ovdje u gradu, data urbanistička saglasnost. Elektroprivreda podnijela zahtjev za rješavanje imovinskih odnosa. Služba je riješila imovinske odnose na dijelu koje je upisana Općina Maglaj. Međutim, preko ulica ne može se utvrditi, može se dati samo saglasnost, a saglasnost može dati samo Općinsko vijeće. Onda bi oni u potpunosti sa ovim riješili imovinske odnose i uradili taj posao koji su planirali za dva-tri mjeseca.

Otvaram raspravu.

Zatvaram raspravu i dajem na glasanje

Z A K L J U Č A K

17.1. Usvaja se Odluka o davanju saglasnosti JP Elektroprivreda BiH d.d. Sarajevo podružnica Elektrodistribucija Zenica za izvođenje radova na postavljanju podzemnog optičkog kabla preko dijela nekretnina koje su upisane kao javno dobro.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Adis

Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

18. Prijedlog Odluke o izmjeni Odluke o izmjeni naziva ulice;

Nedžad Ćatić-uvodničar, ova Odluka se tako zove, ovdje se ne mijenja naziv ulice, samo obuhvat. Ulica Srebreničkih žrtava je do sada bila od gradskog mosta do podvožnjaka kod Natron-Hayata, sada se produžava do magistralnog puta.

Otvaram raspravu.

Zatvaram raspravu i dajem na glasanje

Z A K L J U Ć A K

18.1. Usvaja se Odluka o izmjeni Odluke o izmjeni naziva ulice.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

19. Odluka o stavljanju van snage Rješenja o razrješenju zamjenskog člana Općinske izborne komisije Maglaj;

Otvaram raspravu.

Vijećnik Eldis Kusur, Klub vijećnika SDA je na prethodnoj sjednici bio suzdržan prilikom donošenja Rješenja o razrješenju zamjenskog člana Općinske izborne komisije Maglaj, a sad tražimo od sekretara Općinskog vijeća zbog čega je ova Odluka stavljena van snage?

Emina Hasanić, ova Odluka je stavljena, odnosno Rješenje je stavljeno van snage. Jasno stoji u obrazloženju, na osnovu uputa od Centralne izborne komisije BIH. Dobili ste svi u obrazloženju, ako ste pročitali, da je Centralna izborna komisija uputila akt Općinskom vijeću 11.01.2021.godine gdje kažu da razriješimo zamjenskog člana Općinske izborne komisije, gospođicu Anisu Pračić-Šehić, gdje smo to i učinili na sjednici Općinskog vijeća 03.02.2021.godine. Nakon toga, dobili smo isto tako akt da stavimo Odluku van snage, odnosno da zamjenski član ostane do imenovanja redovnog člana Općinske izborne komisije.

Zatvaram raspravu i dajem na glasanje

Z A K L J U Ć A K

19.1. Usvaja se Odluka o stavljanju van snage Rješenja o razrješenju zamjenskog člana Općinske izborne komisije Maglaj.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL).

GLASALO UZDRŽANO: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

20. Rješenje o imenovanju Komisije za izbor na upražnjene pozicije u reguliranim organima Općine Maglaj;

Otvaram raspravu.

Vijećnik Hajrudin Fermić, podržat ću ja Prijedlog ove Odluke, ali da bi ona bila precizna u potpunosti, obzirom da ipak za određena regulirana tijela, odnosno određena preduzeća i ustanove postoje specifični exspecijal zakoni koji regulišu ovaj način formiranja Komsije, a da i prihvatimo ovu Odluku danas, predložio bih da se samo doda član 3. „za izbor odnosno imenovanja na pozicije u reguliranom organu gdje je po Zakonu potreban drugačiji sastav Komisije za izbor i imenovanje, Općinski načelnik predlaže Općinskom vijeću sastav Komisije za izbor i imenovanje za pozicije u konkretni regulirani organ, a prema odredbama Zakona i drugih propisa koji regulišu tu oblast.“ To je taj član 3. Ovo bi gore ostalo sve isto. Obzirom da u pojedinim javnim ustanovama i preduzećima ovaj sastav Komisije može bez ikakvih problema da izvrši kompletnu proceduru, u pojedinim ne može. Pomenut ću Dječiji vrtić, nadzorni organ Doma zdravlja, Narodne apoteke i tako dalje.

Emina Hasanić, prihvatam sugestiju od gospodina Fermića, s tim da sam ja umjesto člana 3. stavila član 2. gdje stoji: „upražnjene pozicije u reguliranim organima Općine Maglaj za koje potrebno provesti proceduru su..“ i navela koja su to regulirana tijela. Činjenica je da kod Dječijeg vrtića posebna procedura. U zavisnosti od Zakona, kod njih je procedura vezano za ustanove. S tim da kod Dječijeg vrtića, Upravne odbore imenuje načelnik, a ne Općinsko vijeće.

Predsjedavajuća Svjetlana Zamboni-Radovanović, mislim da je ovo što je gospodin Fermić predložio malo lakše primjenivo, da se ne vezujemo. Po meni, nisam pravnik, ali više je primjenjivo što je on predložio, pa samo od njega uzeti ovaj dio.

PAUZA KLUBA.

Stavljam na glasanje prijedlog vijećnika Fermića

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL).

GLASALO UZDRŽANO: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Stavljam na glasanje Rješenje, ko je za ?

Z A K L J U Č A K

20.1. Donosi se Rješenje o imenovanju Komisije za izbor na upražnjene pozicije u reguliranim organima Općine Maglaj.

20.2. Dodaje se član 3. Rješenja o imenovanju Komisije za izbor na upražnjene pozicije u reguliranim organima Općine Maglaj koji glasi „Za izbor, odnosno imenovanje na pozicije u reguliranom organu, gdje je po Zakonu potreban drugačiji sastav Komisije za izbor i imenovanje, Načelnik općine predlaže Općinskom vijeću sastav komisije za izbor, odnosno imenovanje na pozicije u konkretni regulirani organ, a prema odredbama zakona i drugih propisa koji regulišu tu oblast.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

21. Plan i program rada JP „Komunalno javno društvo“ doo Maglaj za 2021. godinu;

Otvaram raspravu.

Vijećnik Jasmin Begić, Plan i program je rađen prilično dobro, vidimo da je grad dosta obuhvaćen. Međutim, zaparalo mi je oči, nema nigdje plan čišćenja mjesnih zajednica, možda i griješim, da vidimo ako nema, da se to

uvrsti u ovaj Plan. Nije nigdje navedeno čišćenje lokalnih puteva, rasjecanje, tako na Bijeloj Ploči-Jablanici što ja prolazim svaki dan vidimo da je zaraslo. Treća stvar, za naplatu odvoza i komunalnih usluga da se donese Odluka nova, jer je ova iz 2009. godine zastarila i ne primjenjuje se u cjelosti.

Predsjedavajuća Svjetlana Zamboni-Radovanović, samo kratko, jedna napomena. Sjećate se da smo i do sada donosili zaključak, kojim se, ako se odlučimo, usvaja Plan i Program, istovremeno daje saglasnost punomoćniku ispred državnog kapitala da glasa za Plan i Program na Skupštini KJD.

Zaključujem raspravu i stavljam na glasanje

Z A K L J U Č A K

21.1. Usvaja se Plan i program rada JP „Komunalno javno društvo“ doo Maglaj za 2021.godinu.

21.2. Ovlašćuje se predsjedavajuća Općinskog vijeća da da saglasnost opunomoćeniku ispred državnog kapitala da na Skupštini Komunalno javnog društva d.o.o. Maglaj glasa za Plan i program rada „Komunalno javno društvo“ doo Maglaj za 2021.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

22. Plan i program rada JP „Veterinarska stanica“ doo Maglaj za 2021.godinu;

Otvaram raspravu.

Vijećnik Maid Suljaković, ja sam detaljno iščitao Plan i program rada JP „Veterinarska stanica“ doo Maglaj za 2021.godinu. Generalno nisam zadovoljan kako je pripremljen, da ne govorimo o tehničkim neusaglašenostima, fontu slova, ali hajde da govorimo o suštinskim stvarima. U ovom Planu ja ne vidim jasno definisane ciljeve, indikatore, kada će se realizovati ti ciljevi, s kojim prihodima. Mislim da se treba dosta doraditi, kako bi bio prihvatljivi nama kao Vijeću. Primjetno je da ne postoji plan javnih nabavka, što je obavezujuće za javno preduzeće. Smatram da se treba još doraditi.

Dženana Bočić, prije svega sve vas pozdravljam. Novom sastavu želim puno sreće u daljem radu. Također, željela bih, pošto je meni ovo zadnja godina mandata, da zahvalim prethodnom sastavu Općinskog vijeća na dosadašnjoj saradnji koja je bila izuzetna. Direktor nažalost nije prisutan, pošto je imao hitnu intervenciju na terenu, izvinjavam ga ovom prilikom. Također, željela bih da skrenem pažnju da je ovo samo bio Plan i Program nekih stručnih aktivnosti, a finansijski plan nismo uspjeli pripremiti do ove sjednice Vijeća, iz razloga što smo čekali. Rok je bio 28.02., a naš Plan se oslanja na prethodnu godinu. On je već spreman, Vijeće će ga dobiti odmah poslije održane sjednice Nadzornog odbora Veterinarske stanice. Dobit ćete detaljan Plan, realizaciju 2020.godine i Plan za 2021.godinu. Želim naglasiti da je u prethodne tri godine Veterinarska stanica uspjela da obnovi svu svoju po Zakonu neophodnu dokumentaciju, reorganizaciju u skladu sa zakonskim propisima. Sve tri godine poslovala pozitivno. Njeno poslovanje je bazirano na vlastitim aktivnostima. U prethodnoj godini, mogu vam reći da su prihodi, bez obzira na otežano poslovanje na terenu zbog COVID-19, to se nije odrazilo na finansijski rezultat, tako da smo ostvarili prihode sa 112% u odnosu na planirane, rashode sa 107% u odnosu na planirane i ostvaren je dobit kao poslovni rezultat u iznosu od 10 hiljada. Finansijski plan za 2021. je planiran u skladu sa rezultatima iz 2020.godine. To je to. Znači u svakom slučaju mi smatramo da smo u skladu sa svojim resursima uspjeli da opravdamo postojanje ovog preduzeća, iako je promet daleko manji u odnosu na ostale javne ustanove i KJD. Mi mislimo da su nam pokazatelji izuzetno dobri, što ćete vi kao novi saziv vidjeti u novom periodu.

Vijećnik Jasmin Begić, je li istina da vam radnici rade na minimalcu?

Dženana Bočić, obzirom da je direktor preduzeća ovlašten da dijeli takve informacije i nadležan je po Zakonu o javnim preduzećima da vodi računa o obračunu plata i isplatama, ja sam tu kao predsjednik Nadzornog odbora, da kontrolišem finansijski plan i usvajam prijedlog i ostalo, to pitanje ćete morati njemu uputiti.

Vijećnik Elvir Vehabović odsutan.
Zatvaram raspravu i stavljam na glasanje

Z A K L J U Č A K

22.1. Usvaja se Plan i program rada JP „Veterinarska stanica“ doo Maglaj za 2021.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

23. Informacija o upravnom rješavanju i provedenim upravnim postupcima JOU;

Otvaram raspravu.
Zatvaram raspravu i konstatujem

Z A K L J U Č A K

23.1. Prima se k znanju Informacija o upravnom rješavanju i provedenim upravnim postupcima JOU.

Vijećnička pitanja i inicijative

1. Vijećnik Senad Šehić, u cilju pomoći našim sugrađanima koji se bore sa velikim problemom današnjice, a koji se u velikoj mjeri zanemaruje i čija nedovoljna neistraženost ima pogubne rezultate i to najčešće na najosjetljiviji dio populacije – našu djecu, kao i poboljšanju uslova u postojećem Centru za rani rast i razvoj djece u sklopu Doma zdravlja Maglaj, smatram da je neophodna nabavka Neurofeedback uređaja za potrebe naših najmilijih sugrađana, djece sa poremećajem iz spektra autizma, stimulacije govora i pravilnog izgovora, socijalizacije, usvajanja obrasca ponašanja itd. Zaokupljeni sami sobom, često ne primjećujemo ljude oko sebe, a mnogo ih je koji vode bitku sa određenim poremećajima bilo da se radi o njima samima ili se bore za nekoga svog, najčešće svoju djecu. Takve roditelje srećemo u našim parkovima, na ulicama našeg grada, radimo sa njima i upravo ti roditelji su me zamolili da pokrenemo jedan ovakav proces zajedno, koji da bi pomogli svome djetetu putuju i po cca 60 km do najbližeg centra koji se bavi ovom problematikom. „Neurofeedback terapija“ je trenutno najsavremenija i dokazano najučinkovitija terapija za djecu koja imaju nikakve ili slabo izražene socijalne vještine, koja se bore sa nekim poremećajem iz spektra autizma i sl. Sve navedeno od ogromnog značaja je za djecu za koju se prema prognozama može vezati autizam, blagovremeno djelovanje, odgovarajuća terapija, saradnja edukovanog kadra i roditelja i u krajnjoj instanci postojanja ovakvog uređaja omogućit će ovakvom djetetu da ne „potone“ u totalno mračniji svijet od ovog našeg. Za uvođenje ovakve terapije neophodan je Neurofeedback uređaj, koji košta oko 20.000,00 KM. Koristeći se ovom prilikom, pozivam sve privrednike sa područja naše općine, menadžment JU Dom zdravlja Maglaj, Načelnika općine, da se uključe u okviru svojih mogućnosti i potpomognu realizaciju ove inicijative. Budimo odgovorni, na malim, a opet velikim stvarima pokažimo da smo ljudi, da smo lokalpatriote!

2. Vijećnik Mustafa Bešić, čestitao bih Općinskom vijeću na usvajanju Budžeta za 2021.godinu. Želim da ako Bog da u ovoj godini nastavimo sve zajedno, doprinesemo da naša općina, naše mjesne zajednice još napreduju, da se vidi napredak, da idemo ka boljem. Ja sam došao u Vijeće da striktno dam svoj doprinos, da poboljšam uvjete života, a ne da pričamo samo. Borimo se u svojim mjesnim zajednicama, odakle dolazimo, djelima, a što manje pričom.

3. Vijećnik Elvir Arnautović, podnosim dvije inicijative vezano za Stari grad. U ime omladine i djece Starog grada pokrećem inicijativu za izgradnju dječijeg igrališta i sportskog poligona. Kako tamo živi veći broj djece

koji nemaju gdje da se igraju i gdje se igraju na ulicama i imaju velikih problema po privatnim imovinama gdje se igraju. Ovom prilikom pokrećem inicijativu, na dijelu parcele tzv. sudska bašča, po Regulacionom planu predviđeno je sportsko igralište. Ovom prilikom molimo načelnika i u saradnji sa nama mještanima da pokrenemo tu inicijativu i izgradimo sportsko igralište. Druga inicijativa se odnosi na potok Čila i mještane koji žive uz sam potok Čila, koji vremenom na pojedinim dijelovima oštećen. Tražimo od nadležne Službe da izađe na lice mjesta, utvrdi stepen oštećenosti i sa veoma malim sredstvima se sve može riješiti.

4. Vijećnik Jasmin Đuhera, ja sam izmikso, imam jednu inicijativu, jedno pitanje. Moje pitanje se odnosi na MUP ZDK. U noći sa 1. na 2. mart 2019.godine u naseljenom mjestu Novi Šeher nepoznati počinioci su zapalili državnu zastavu koju je Forum mladih SDP-a postavio povodom Dana nezavisnosti Bosne i Hercegovine. Taj vandalski čin uznemirio je stanovnike Novog Šehera i dodatno uzburkao međunacionalne tenzije na novošeherskom kraju. Prema nezvaničnim informacijama koje sam dobio od prijatelja i poznanika MUP ZDK je identifikovao osobe koje su počinile ovo krivično djelo. Od tog vandalskog čina protekle su pune dvije godine, a da za to prema mojim saznanjima još niko nije odgovarao. Postavljam pitanje MUP-u ZDK. Do koje faze je došla istraga u tom slučaju i da li su počinioci privedeni pred lice pravde? Što se tiče inicijative. U Mjesnoj zajednici Novi Šeher, na lokaciji iza stadiona „Pod Lipićem“, odnosno u neposrednoj blizini obale rijeke Liješnice učestali su nanosi smeća uslijed povećanja vodostaja iste. Pored smeća, problem predstavlja i nisko rastinje odnosno šiblje na koje se nakuplja smeće. Apelujem na KJD Maglaj da u narednom periodu izvrši čišćenje pomenute lokacije.

5. Vijećnik Hajrudin Ferić, imam dva pitanja i jednu inicijativu, toliko imam pravo po Poslovniku. Prvo vijećničko pitanje je zapravo pitanje grupe građana sa Omerdinog polja i glasi ovako: „Kada će se izvršiti rekonstrukcija ulične rasvjete u Šehidskoj ulici, sa korištenjem led sijalica? Postojeća je u jako lošem stanju, a sijalična mjesta su u razmaku oko 100 m (na svakoj drugoj štangi). Smatramo da bi sijalice trebale biti na svakom stubu postavljene, jer bi tada rasvjeta bila funkcionalna. Ovo je potrebno kako zbog same lokacije šehidskog mezarja, tako i zbog činjenice da je ovo maglajska šetnjica, jer Maglajlije prave krugove u tzv. Šehidskoj ulici, a ista je slabo osvijetljena i prisutna su negodovanja. U nadi za razumijevanjem i iznalaženjem rješenja za ovaj problem, veliko hvala!“ Drugo vijećničko pitanje, ja bih molio odgovor pismenim putem, a ono glasi ovako: „Poznato je da se Maglajlije suočavaju sa problemom nedostatka sistema centralnog grijanja, još od godina rata pa do danas, evo punih 30 godina i jedna smo od rijetkih općina koja to nije riješila. Građani gradskog područja se snalaze svakako. Koriste različite energente, od drveta, peleta, uglja različitog kvaliteta, električne energije, a imamo pouzdanih informacija da se loži guma, plastika i tekstil. U kojoj fazi su aktivnosti na rješavanju problema centralnog grijanja, da li su nadležni imali kontakte sa zvaničnicima Federacije BiH i da li su poznati elementi projekta izgradnje južnog i sjevernog toka plinovoda kroz BiH? U kojoj fazi su razvojne strategije Elektroprivrede BiH kada su u pitanju gradnje hidroelektrane na rijeci Bosni, te da li postoje ikakvi razgovori sa stručnim institucijama o mogućnosti parcijalnog ili cjelovitog rješenja zagrijavanja objekata solarnim panelima? I vijećnička inicijativa: „Poznato je da je Skupština ZDK usvojila Strategiju za mlade i evo ja iniciram da Komisija za mlade pri OV Maglaj bude koordinator, odnosno nosilac aktivnosti na izradi Strategije za mlade Općine Maglaj za naredni petogodišnji period, u kojoj bi bili tretirani pravci razvoja u demografskom, društvenom, ekonomskom, kulturološkom i obrazovnom smislu.“

6. Vijećnik Eldin Pehrat, ja sam za danas pripremio jednu inicijativu. Dakle, u ime stanovnika Novog Šehera i novošeherskog kraja, pokrećem inicijativu za uspostavljanje isturenog policijskog odjeljenja, Uprave policije Maglaj, u naseljenom mjestu Novi Šeher, odnosno povratak u funkciju isturenog odjeljenja, koje je nažalost prije nekoliko godina ukinuto. S obzirom na veličinu novošeherskog kraja, te na činjenicu da na ovom području živi više od 5000 ljudi, smatram da je potreba za stalnim boravkom policije u Novom Šeheru više nego neophodna. Upoznati ste dakle, da se prije nekoliko dana desio pokušaj otmice jedne djevojčice u naseljenom mjestu Domislica, inače učenice Osnovne škole „Novi Šeher“. S tim u vezi, veliki broj roditelja je izrazio zabrinutost, te ukazao na potrebu većeg prisustva policijskih službenika. Također, osim toga, smatram da zbog udaljenosti novošeherskog kraja od grada i brzine reakcije koja bi sigurno bila kvalitetnija u slučaju stalnog boravka policije u Novom Šeheru. Do rješavanja ove inicijative predlažem povećanje policijskih kontrola na novošeherskom kraju.

7. Vijećnik Edin Osmić, ja sam dvije inicijative. Znači razmatrajući okolnosti u naseljenom mjestu Liješnica, podnosim inicijativu za rješavanje i uređenje korita rijeke Liješnica. Znamo sve kakve nam probleme poplava stvara, pa samim tim molim da se počne u rješavanje tog problema, na dijelu od Mlina. Razmatrajući okolnosti i

stanje u naseljenom mjestu Liješnica podnosim inicijativu za rješavanje dugogodišnjeg problema uspostave kanalizacione mreže.

8. Vijećnik Maid Suljaković, inicijativa za oslobađanje od plaćanja minimalno 50% općinskih taksi za prvo stambeno rješavanje mladih i mladih bračnih parova na području općine Maglaj. Analizirajući socioekonomske pokazatelje po općinama Federacije BiH za 2019.godinu od Federalnog zavoda za programiranje razvoja prepoznao sam zastrašujuće podatke za našu općinu. Naime, komparirajući 2018. i 2019.godinu za broj polaznika osnovne i srednje škole, te prirodnog priraštaja ustanovit ćemo da je:

1. U toku 2019. godine 38 polaznika Osnovnih škola manje za razliku od 2018.godine.
2. U toku 2019. godine 88 srednjoškolaca je manje za razliku od 2018.godine.
3. U toku 2018. godine rođeno je 175, a umrlo 212 naših sugrađana.
4. U toku 2019. godine rođeno je 176, a umrlo 233 naših sugrađana, što u zbiru za 2018. i 2019.godinu predstavlja negativan prirodni priraštaj za 94 osobe. Znajući ove podatke, OV je dužno da reaguje, te spriječi navedene pojave. Zbog toga predlažem da se navedena inicijativa primijeni u skorijem roku, kako bismo praktično pokazali mladima da nam je stalo do njihovog ostanka, bez demagogije koje slušaju svakodnevno. Svakako da ovo nije jedini razlog zbog kojeg se mladi ne odlučuju za zasnivanje porodice, ali je jedan od koraka na koji Općina može uticati.

9. Vijećnik Edin Salatović, u ime stanovnika naseljenih mjesta Ravna i Oručje pokrećem vijećničku inicijativu prema Općini Maglaj da se pokrene procedura za izgradnju trake za prestrajavanje u mjestu Poljice na mjestu odvajanja sa magistralnog puta M 17 prema Ravnoj i Oručama. Kako je na ovom mjestu već nekoliko puta dolazilo do saobraćajnih udesa, predlažemo da Općina Maglaj pokrene inicijativu prema Cestama Federacije BiH za rješavanje ovog pitanja, pošto se radi o pitanjima dvije mjesne zajednice kao i putu koji spaja općine Maglaj i Tešanj i sve je veća frekvencija saobraćaja. Takođe je poznato da se na istom mjestu nalazi i izletišta Bistrica, tako da smatramo da se ovo pitanje treba što hitnije uputiti u proceduru, kako bi ovo pitanje riješili.

10. Predsjedavajuća Svjetlana Zamboni-Radovanović, vidim da je šefica, odnosno i šefica i kolegica da su prisutne još u sali. Ostala mi je velika dilema oko raspodjele PDV, koliko dođe do lokalnog nivoa i na koji način? Može i usmeno, ne moram dobiti pismeni odgovor.

Dženana Hadžiedhemović-Grahić, prihodi od PDV-a su prihod koji se uplaćuje na Jedinствен račun trezora BiH i za koji je nadležna Uprava za indirektno oporezivanje. Iz ostvarenog prihoda PDV-a od FBIH i RS-a finansira se vanjski dug države, FBIH, RS-u, pa se onda spušta na kantone i jedinice lokalne samouprave. Ono što je manjkavost kod ovog rasporeda po osnovu PDV-a, jeste činjenica i par puta incirano je ka višim nivoima, što općine uopće nemaju informaciju koliko je to naplaćeno prihoda po osnovu PDV-a na njihovoj teritoriji. To je Vijeće i u prošlom, evo i na prošloj sjednici, gdje bio prilog B2 obrazac, dakle mi imamo samo informaciju koliko je uplaćeno za Općinu Maglaj, znači koliko je nama došlo putem rasporeda od Federalnog ministarstva finansija. Mi nemamo informaciju koliko je to prihoda po osnovu PDV-a naplaćeno na prostoru općine Maglaj. Nije to samo za općinu Maglaj, nego za sve. Jedinice lokalne samouprave su zadnje u nizu. Nakon što se izmiri vanjski dug, FBIH, ostvareni prihod u RS-u i FBIH raspoređuje dalje na Brčko Distrikt. Jedinice su zadnje u nizu i vrlo malo dobiju. Čisto je bitno da mi imamo informaciju koliko je prihoda ostvareno na području neke općine. Prihod od PDV-a preko Jedinственog računa trezora se raspoređuje u Ministarstvu finansija preko državne banke odnosno UNION banke. Nama putem Federalnog ministarstva finansija se svaki dan prazne na naš depozitni račun određeni iznos sredstava. Mi ne znamo koliko je recimo u mjesecu februaru na području općine Maglaj ostvareno prihoda, ne zna nijedna općina. To je problem. Bilo je nekoliko inicijativa, čak je delegat Jasminko Kapić uputio izmjenu. Ko nama garantuje da neko nije pogriješio u raspodjeli, uz dužno poštovanje, to je manjkavost tog Zakona, sve općine imaju problem.


Načelnik općine Mirsad Mahmutagić, da bismo kvalitetno odgovorili na pitanja i inicijative. Dakle, inicijativu koju je vijećnik Pehrat pokrenuo, smo nekoliko puta ranije pominjali za vrijeme ranijeg saziva i ne bježimo od toga, nego bih htio da vidimo možda je svrsishodnije da ne prosljeđujemo kao vašu inicijativu prema MUP ZDK, nego da idemo na Vijeće, kao zakonodavni organ pokrenemo na kantonu, imalo bi veću snagu. Ako se slažete, možemo to zajedno. Kako bismo kvalitetno odgovorili vijećniku Suljakoviću, ja Vas nisam, ako govorite o porezu na rješavanje stambenog pitanja mladih bračnih parova, oni su u potpunosti oslobođeni. Građevinske dozvole? To nije u vidu rješavanja stambenog pitanja, to je izgradnja, to je drugi Zakon, mislim da to po tome nije moguće. Ako se radi o kupovini stambene jedinice onda su oslobođeni do 35 godina. Iskoristit ću priliku da se zahvalim na cjelokupnoj sjednici, hvala na podržanom Budžetu. Dalje valja raditi, skoro tri mjeseca su prošla,

nažalost takva je situacija bila, izbori su odgođeni, formiranje Vijeća tek tamo pred kraj godine, uz sve to nažalost ključne osobe iz finansija su bila u out-u iz različitih okolnosti. Stići ćemo uraditi ono što moramo.

Vijećnik Eldis Kusur, dok je načelnik izlagao. Načelnice, da li postoji mogućnost da se svi ulazi u mjesne zajednice pokriju video nadzorom. Kada se u Domislici desio taj nemili događaj, desetak metara od moje kuće, odmah smo se angažirali doduše preko Džematskog odbora i pokrili smo centar sela video nadzorom. Da li postoji mogućnost da se to parcijalno počne rješavati, da se svaki ulaz u naseljena mjesta počne rješavati video nadzorom? Bar ova naseljena mjesta, ako ne mogu manja, ako je to moguće?

Dopredsjedavajuća Aida Bašić, zaključujem 3. sjednicu Općinskog vijeća u 15,00 sati.

Zapisničar,
Arnela Tumbić



PREDSJEDAVAJUĆA
Svjetlana Zamboni-Radovanović

